



ル 5
3048
16



門 6
號 3001
卷 16

門 6
號 2301
卷 16

門 5
號 3048
卷 16

崑新兩縣續修合志卷三十五

釋道

梁以下釋

慧嚮

凌萬頃志作惠嚮

吳興人姓懷氏天監中居虎邱不得甘泉

乃俯地側聽得泉名虎跑後登馬鞍山坐山脇石室間

有二虎為侍方運籌思立精舍忽神人見於前曰原

千工以佐景福其夜風雷震吼林木怒號近山人但聞

樸斲聲翌日廣階駢碱其方截如延袤一十七丈高丈

有二尺事聞敕建慧聚寺後駐楊子江心蝦蟇山示寂

寺僧感開山功斲石像於所憩石室中至今猶存

唐

昭和九年六月十八日

法欽一名道欽圓明村朱氏子母管氏夢蓮生戶樞因生
欽早業儒後遊歷叢林遇鶴林素禪師勸之出家欽感
悟求爲弟子素爲祝髮戒之曰汝乘流而行逢徑卽止
欽南遊抵臨安見東北一山問樵者知爲徑山因駐錫
焉借龍潭築庵其上爲開山師大厯三年代宗召至闕
下親加瞻禮一日與忠國師同在內坐次見帝駕卽起
立帝曰師何以起欽曰檀越何得於四威儀中見貧道
帝悅賜號國一禪師後辭歸本山貞元八年示寂賜諡
大覺今薦巖寺西有羅漢橋以欽得名也

後唐

紹明律師慧聚寺僧也居半山彌勒閣一夕夢神人曰簷

前古桐下有石天王像併銅鐘師宜知之詰旦掘其地
果獲之龕置壁間形製甚古

清化師全怱邑人隨父賈販至豫章聞禪會之盛求出家
初參南湧塔問從何而來曰鄂州塔曰鄂州使君名甚
麼師曰化下不敢相觸忤塔曰此地道不畏師曰大丈夫
何必相試塔靦然而笑遂印可主安福之應國禪院
本道上聞賜名清化後還故國嗣吳越王賜紫方袍不
受改賜衲衣仍號純一禪師師曰吾非飾讓也慮後人
彷彿吾而逞欲耳開寶四年秋示寂大風摧震林木

宋

晤恩字修已常熟路氏子年十三聞誦彌陀經求出家投

破山寺受訓後唐長興中住崑山慧聚寺從紹明師學
 律晉天福初從樵李皓端師習經論後微聞天台三觀
 六即之說冥符意解漢開運中造錢塘慈光院志因師
 講貫彌年通達法華光明經止觀論宋雍熙三年八月
 朔中夜觀白光自井出謂門人曰吾報齡極於此矣至
 二十五日為弟子說止觀指歸及觀心大義端坐向西
 而化空中絲竹嘹亮漸久漸遠西去荼毘獲舍利無算
 良玉字韞之慧聚寺僧行甚高旁通文史善書工琴棋遊
 京師梅堯臣見而喜之以聞於朝賜紫衣其東歸也堯
 臣以詩送之歸後以講經為務號所居曰雨花堂堯臣
詩來
衣茶褐袍歸變鞋色服扁舟洞庭去落日淞江宿水
煙晦琴微山月上岩屋野童遙相迎風葉鳴橡榭

沖邈居馬羈山之翠微閣年八十八卒生平好為詩所著
 有翠微集其詠翠微山居云一池荷葉衣無盡數樹松
 花食有餘即被世人知去處東移第屋作深居侍郎姚
 舜明及邑宰蓋璵皆贈以詩舜明詩僧臘俗年俱老大
儒書佛教舊精神姑蘇一
萬披緇客四事無如彼上人
成往往比陽春翠微閣上今朝見格老詞清又一人
 知和菴主邑人張氏子兒時嘗習坐垂堂堂傾父母意其
 必死師瞑目自若因使出家年滿得度趨謁泐潭潭見
 問作甚麼師方擬對潭便打復喝曰你喚甚麼作禪師
 驀領旨即曰禪無後無先波澄大海月印青天又問如
 何是道師曰道紅塵浩浩不用安排本無欠少潭然之
 次謁衡嶽辨禪師辨尤器重元符間住雪竇之中峯棲

雲兩菴逾二十年後住慶元二靈三十年間居無長物
惟二虎侍其右一日威於人以偈遣之宣和七年四月
十二日跌坐而逝人為塑二虎於像側焉

道川邑人翟氏子名超初以勇力為縣弓手聞東齋謙首
座為道俗演法往從之習坐不倦一日失捕遭笞忽於
杖下有悟遂辭役依謙謙為改名道川且曰汝舊呼翟
三今名道川川即三耳汝能豎起脊梁了辦箇事其道
如川之增若放倒依舊翟三也建炎初徧遊江湖駐淮
西無為軍一新壞寺道遇虎不為動虎亦馴伏歸憩東
齋一日書偈四句危坐脫去

上頭關轟起
一聲春霹靂

偈曰我有一條鐵榔槩縱
橫妙用無人識臨行撥轉

子元號萬事休邑人茅氏子母柴夜夢一僧入門次日生
子元因名佛來父母早亡投延祥寺出家習誦法華經
年十九祝髮習止觀禪法一日正定中間鴉聲悟道嘗
發誓言大地人普覺妙道每以四字為定名之宗教人
專念彌陀同生淨土宗風大振高宗召見賜號慈照乾
道二年三月二十三日於度城倪普建宅告諸徒曰吾
化緣畢當行矣言訖合掌示寂茶毘塔於松江力及市
港吳覺昌宅敕號最勝之塔

法全邑人陳氏子從道川為僧參請勤至一日行靜濟殿
前偶撞其首於柱間忽然大悟旁觀者見其光彩飛動
而全不自知也自此道價日增後住湖州道場山號無

菴乾道己丑將入寂眾求偈師瞪目下視眾請益堅遂
書無無二字棄筆而逝火後設舍利五色塔於金斗峯
清照字神濟慧聚寺僧善醫能預知人生死尅期無或爽
者或有奇疾以意用藥輒效照享高年臨歿意甚了澈
馬先覺挽詩有殷勤療病肱三折去住無名指一彈之
句蓋實錄也

元

衣和菴主邑人也隱居雪竇之樓雲畜二虎恒跨之以遊
後徙二靈終焉初雪竇妙高峯左千丈巖巔有藤一枝
蜿蜒其上下臨不測乃盤結成龕為藏修之所作偈詠
之大德丁未燬於兵二十年不克復虎為人害鄉人謂

菴復而和祠則虎患可息至元丙子復其菴肖其像於

是二虎前伏仍不為害獨云竹筧兩三升野水窗前五

與人間作見聞十方世界目前寬拋卻雲菴過別山三
事衲衣穿處補一枝藜杖伴身閑黃皮裹骨一常僧壞
衲蒙頭萬慮澄年老懶能
頻對客披蘿又上一峻嶒

柏子庭邑人為慧聚寺僧有戒行能詩名所居曰不繫舟

有磬疏傳於世郭翼云方外詩僧則大無外者省夢菴

者理獨閒者唐西白者器大用者慶雲岡者皆齊已靈

澈之流顏悅堂編蒲之有室柏子庭不繫之有舟寶雲

海之宗乘亮虛白之圖畫乘白雲之千林閣莊蒙泉之

大寶洲方之高僧無與倫比磬疏云鳴鑼惡念生擊磬

惡念生如蓮葉脫我今化磬不化鑼布施無分
少與多一搥打卻自家底聲聲喚出阿彌陀

明

常在號別峯江陰陳氏子方晬值兵亂母攜之走避驚而墜水不能救次日兵見錦襦小兒浮水面舉取其襦而體尚温俄頃遂甦異之乃攜歸邑民張勝乞為子因冒張姓甫成童杭之集慶寺僧正純聞其受難事乞為徒張即捨之名常在既長為僧徃天界寺謁曇公公見其貌偉而聲如鐘器之俾領綱維眾皆悅服洪武二十年補雞鳴寺住持引見奏對稱旨適信國公湯和奏寧波育王寺乃釋迦真身舍利道場久乏住持太祖召僧錄司諭日前住雞鳴寺僧有福著他住育王寺越數載宗風遠暢永樂二年歸住雞鳴十月十三日無疾而化闍

維五色舍利纍纍弟子奉歸薦嚴寺藏焉

文琇號南石邑人李氏子出家淞南紹隆菴禮智興為師嘗詢法要於虎邱行中仁禪師得言外旨洪武間住郡之普門遷靈巖之萬壽永樂七年住杭州之徑山少師姚廣孝以詩賀之越四載退歸蘇之北山松院十六年九月二十四日無疾而逝廣孝詩升堂妙闡第一義緇白圍繞如春熙諸天散花無路入老龍獻供伸鬚眉

真覺邑人王氏子號妙峯居徑山傳衣菴初出月亭法師門亭無專宗與覺志別由是深究性命之旨而遙宗四明覺梵相奇古言論風采如火火輪聚不可撓觸自嘉靖甲子以道化台南至己丑二十六年間歲無虛席

性專邑人張氏子娶妻生子忽棄去爲僧初赴昭慶受具繼登西山戒壇增受大戒又數年南還受菩薩戒於妙峯覺師隨峯往台南講演諸經性獨踞領其教後辭峯詣華頂行頭陀行誦經之暇惟禪定而已嘗於靜定中見琉璃寶地莫測其際創構無梁石殿殿高百尺餘凡三年落成感佛放光明夜如旦最後住東禪寺萬曆丙午仲冬忽謂弟子曰古人符到卽行吾今蓮開卽逝沐浴更衣命衆椎鐘誦經合掌趺坐亟稱佛號而逝

瞻月俗姓李幼從延福寺出家嗣爲住持碩行宿學遠近宗仰立願修整山寺甫擇吉建大殿地湧雙礎明年創法堂階產靈芝又明年修寺塔神光夜照歲庚戌請

真禪師講法華經於塔下有鶴洗塔巢蟬蟠塔頂之異華亭陳繼儒與爲方外友嘗爲瞻月作募建山門疏及種樹小引以紀其事

秋月邑人了徹佛法不爲元虛大言嘗住元墓旁菴性狷潔一室之中灑掃拂拭日事禪誦好啜茶然不樂常品以其澆灌不潔也自鋤山頂一袈裟地植之香美異常天啟丁卯年七十餘往普陀進香散衣鉢於弟子人頗以爲疑進香畢歸至蓮花洋忽高聲誦大悲咒誦畢舉身投洋人方悟其不留鉢乃預爲捨身計也

用周邑諸生諸姓名士遴字銓甫雲棲蓮大師命名曰大濟少從念佛得力繼閱念佛是誰語有省天啟癸亥受

薙於博山無異禪師仍名大濟更字用周以字行往徑山修苦行省母回崑宿玉柱塔後草菴示寂其從弟大湊請示著力處曰大段著力不得臨化時念佛不輟大湊字圓行亦諸生名士述字明甫八歲見宰豕遂斷肉年二十四參雲棲蓮大師又從天台幽溪師遊盡得其旨崇禎癸酉入堯峯興福寺落髮明年參天童密雲師圓菩薩戒後示寂於天池山蓮花峯之麓

海性號湛川邑人潘氏子神采英毅壯年居堯峯之龍洞體不帖席困倦不支輒以頭觸石嘗從衢州蓮臺禪師遊令參父母未生時如何是本來面目久之未契一日循村乞食一田婦見性來以袖掩釜中飯且走且謬曰

盡矣時性不食三日發大憫心謂慳貪不捨入餓鬼道吾必度此婦佇立移日不去他人以飯來弗受也薄暮欲踏不覺屈膝已田父歸譙讓其婦一村闐然羣犬叫號性恍如夢醒豁然見父母未生前面目其初受具作務必先見積廚不充卽託故不食見寒者解衣衣之有憐其寒而予之衣其施人猶故也後遊京師至五臺行諸苦行皆人所弗堪後復歸堯峯善信麇集遂成露禪菴殿堂樓閣悉皆完整又於西麓復宋之興福菴參叩者日眾或時絕糧性每權孤艇往來城市間隨緣誘化及將示寂忽語徒曰未完事急完之至秋當去已而果然生平與文震孟交最契震孟苦心未淨性日依中庸

者必遜世不悔未有先求不悔而後依中庸者

絕學邑人顧氏子工詩文數困里試會有觸走淞南聖像
寺見主僧適滋求出家遂祝髮焉精心參悟不一載冰
解凍釋滋嘗摩其頂而言日子才天授浮佛一盞燈非
子誰續坐臥松雲古閣足跡不至城市偶過邑紳家見
藍縷狀心易之及與論儒學禪宗峯橫浪截滾滾不窮
叩之知爲學也歎曰師是金馬玉堂人物何老於衲也
學曰余惟厭處金馬玉堂故甘枯寂爾老於聖像寺

海潮字坦然太倉王氏子年二十七棄妻子薙髮於崑之
曇華亭精持戒行崇禎庚午四月忽告眾曰我以甲子
生亦以甲子往十五日甲子我往矣及期至山巔春風

亭持木魚西向高聲念佛久之忽以木魚擲之空中曰
不須汝矣眾爭仰視潮已一躍而下端坐於山麓而逝

茶毘於城之東送者傾邑啟其篋得所爲無常脫殼偈

馬偈曰三十年來是夢中追思一旦總成空今日明日
了不了死心活心同不同覩得萬緣如泡幻差之一
念難再逢而今味有西
來意徹透閣提關竅中

大忠字易成邑人王氏子住玉柱塔後草菴人以草菴稱
之嘗於道旁拾遺金十餅訪其主還之酬以二餅不受
初禮雲棲蓮師求度知其有母不許歸乞其母書捨字
於左手乃允授戒作沙彌入精進堂參念佛是誰語久
之聞析薪有省後堯峯延爲首座領眾參研不主一法
崇禎乙亥十月朔謂弟子智元曰我初十必行屆期眾

請留偈曰我不出這醜日將午奄然坐脫矣

宏坦字普立邑人張氏子壯歲喪婦卽與僧桂峯同住薦嚴寺南一靜室晨鐘夕梵無異比邱天啟癸亥往博山禮無異巖禪師得度入堂參死心禪歸住景德寺之東靜室增建禪堂藏堂以貯楞嚴大藏崇禎丁丑有老僧安然於駟馬橋之北創一菴請坦任其事越三年而菴成更名安禪曰吾不負安然囑也庚辰夏示寂

南山五臺僧也七齡出家稍長卽徧遊四方崇禎元年來居薦嚴寺爲人敦厚古樸每參禪暇念佛不絕聲年至九十四一日忽告弟子曰我十月二十四日西歸比時天雨弟子曰且俟天霽山曰天雨何妨我事再三強之乃曰姑待十一月十七日至期眾往叩之但曰多念阿彌陀佛言訖跌坐而逝異香盈室不散閱七日顏色如生士庶送葬者以萬計

國朝

○詮修字二勝自號蒙泉道人本李姓恭簡魏校族孫也名子柴字木公爲邑諸生不喜習舉子業能詩工八分善畫人物花鳥居平樂浦樹園木蒔藥草畜禽魚以自娛順治乙酉城破聞殺數萬人念母老不可以死去鬚髮爲僧始叩剖石宏壁後入牧雲通門之室爲嗣法弟子喜居深山初入武康山中繼聞武夷九鯉之勝挾一徒以行有處士黃鈍者敬而禮之請主雲門寺又說法

於莆之靈巖於鳳山緇素雲集指以萬計然務下人有
 所畚鍤與賤役同功康熙乙巳九月見菊花數十本有
 葉落歸根之歎聞者莫測無何示微疾化去修性高潔
 不喜立名譽得法後務自韜晦同里葛芝作蒙泉子傳
 時又有王琳玉號冰觀顧無一號樸菴皆以諸生為僧
 一主張浦新菴一主北郊涌塔精舍機緣道法或不及
 修然皆戒行精嚴參悟勤苦云

○本豫字林皋邑人陳氏子年十九脫白於堯峯誦金剛
 般若至應無所住而生其心語有省參磬山修師受法
 歷主武林寶巖姑蘇堯峯京口竹林法席順治三年預
 計逝日說偈辭眾而寂

○空林號馥菴俗姓朱出家於景德寺慶雲房禮慧空為
 師二十五歲徃天童密雲和尚會下掌書記久之大有
 了悟一聲寶磬滿室青蓮覺無有著處和尚付拂不受
 日此徒然耳順治中坐化於四明山

○行臻字性空代州人邊氏子母韓夢金牛入懷而生弱
 不茹葷十餘歲薙髮為僧徧遊諸方聞天童密雲悟公
 法席之盛徃受具戒咨決生死大事已游揚州福緣菴
 閱大藏經有悟走謁費隱容公於金粟寺容公即悟公
 受法大弟子也命充監院積十三年深加器重日先師
 之道賴子不孤矣來棲崑山陳氏廢園開講席徒侶漸
 集檀施亦自遠而至遂建選佛場殿堂樓閣旁及方丈

香積無不悉備後厭選佛場之謹往往常熟維摩寺未幾語門人曰吾北人也緣當在北趨京師寓龍泉寺編修翁叔元訪謁語未竟跌坐而逝門人闍維四齒不壞得五色舍利三百顆函骨歸建塔選佛場之原

○超壁字惟石本李氏子幼喜誦經其父鶴峯送詣堯峯受破雲和尚記荊嗣臨濟為三十三代康熙十年創建蘭若於茱萸浜之東接待雲水僧眾知縣董正位題曰福聚禪院未幾卒

○本儂字遠菴邑人陸氏子年二十一從天童恣公薙髮授戒參學十有四年與記荊主湖廣神鼎寺法席順治辛丑主寧波天章寺祖庭葺復定海瑞巖寺以本師命

繼席紹興平陽寺還瑞巖所至處緇素皈心動以千計康熙壬戌夏示寂僧臘四十有一

○智水號鐵山通經史饒武畧精奇門遁甲術遭亂出世傳曹洞正宗開法於白雲康熙辛酉來居東關外沈氏別業邑之從游者數十人與人言娓娓悉本忠孝或語及桑海輒嗚咽叩其里居姓氏不答蓋勝國遁流也曾棲深山羣盜入其室盡仆地涕出笑釋之居崑久告眾將永訣眾止之許留一歲而轉示期於明年春正三日至期眾集遂面南趺坐而寂

○超衡字懶拙郡人鄧氏子家貧未嘗讀書識字中年落髮聖恩寺受具自此徧參諸方後至明發有契受付囑

遂傳臨濟三十三世正宗至崑結茅持鉢著有語錄一卷衡自言於破山參牧雲和尚呈偈後便覺明月千山光明一片左磕右觸無非道理也

○指明邑之朱漚村農家子也少時見鄰女甫嫁而寡有省遂祝髮寶樹菴日繞舍走磚爲之耐久乃大通宗旨將示寂前預辭諸交契及期而化俄頃甦語其徒曰歸途不甚了了可邀懶拙師來拙至附耳授以言乃瞑

○友白號剩菴姓陸氏明末父兄死難母姊投匍井友白獨身跳免念骨肉遭慘劫夢幻無常出家聖像教寺工詩畫兼擅行草操行苦卓徧參名山已歸老於寺

○源遠字非城俗姓孟氏九歲出家郡之獅子林受具戒

於靈巖確菴和尚又證法要於杯渡際明法師徧歷諸方精研志乘從際老人受付囑爲賢首三十一代法系康熙辛酉冬住馬鞍山後準提菴講演法華尊經又詣獅子林宣說首楞嚴妙義嗣是德望日著歷主諸叢林歸老於邑之寶峯院專修淨土法門無間寒暑臨歿囑以所遺資貯同善會濟鰥寡孤獨廢疾者年七十四

○超果俗姓袁名列星字垣三其先錢塘人父珮始居崑山列星曾補諸生已而棄去初研儒學偶步於庭聞中門內呼人聲驀然契入天地萬物本我一體語復聞金剛經無我相四句悟此無字並非空無之無遇悅山慰禪師印可未敢自信又請益于白嵩俊老人言下有得

老人大喜命名超果後與洞宗鐵山師談說機緣甚相得曾擬五宗拈臨濟曹洞馮仰雲門法眼五竭又云五宗祇有濟洞而兩宗又祇有洞宗人問故曰洞宗設立五位君臣有金針玉篋種種意旨若我濟宗祇是人種不絕便是濟宗不絕所著有華藏拈毛集校正金剛經至易數樂律內外丹術壬奇禽乙星辰土地醫藥之類一一得其門戶隨叩輒應康熙五十九年卒於寶樹菴年六十二先是有智依者俗名朱金瑞字錫光割臂療親補太倉諸生世變披緇寶樹菴者智依所葺也

○元瓏字牧堂華亭人中書舍人李雯從子也工詩文出家於松郡瑞光禪院康熙乙酉 車駕南巡元瓏詣

淮獻萬壽頌長生圖蒙 賜楹聯詩扇 御書泥

金心經及墨刻金剛藥師二經元瓏著有奏對錄後入都 賞賚有加晚歸老於陳墓蓮池院示寂時雍正五年也元瓏師為本齋齋之師為天童宏覺禪師本陳恣公故屢蒙 寵眷如此

○宏如太倉龔氏子親亡務農為生娶妻不期年妻又死遂為弟娶婦付以家產身赴南海師事恒見禪師受記蒞備諸苦行來住崑之里仁巷小菴募葺橋梁見里中少年則勗以孝弟有子詈其母者宏箠之母怒且詈宏歎曰甚哉母之愛子也子詈之不怒人箠之又復護之子其可不孝乎其子感泣致謝繼住西林靜室以修葺

自任三年規模復整不辭而去越四載邑人士迎歸西林重建天王殿及兩廡隆冬盛暑必躬親版築人沮之則曰我樂此不爲疲也後以微疾示寂於西林

○律省字齊賢吳縣張氏子少攻儒業後忽有悟出家於鄧尉聖恩寺受恂如和尚付囑益了澈宗旨乾隆甲申卓錫邑之薦巖寺寺久頽壞省整復之興建鐘樓方丈乃開堂說法傾聽者罔弗感動悅服甲午以疾示寂年三十九徒儀明字見悟邑人亦張姓嘗修葺大殿晚年捐鉢貲創建大悲閣普同塔院規模一新

○澄根字宿慧張浦陸氏子幼有出世志弱冠投里中眼袋菴爲僧受具戒於靈巖巨禪師仍歸住眼袋菴戒行苦卓研參罔間積鉢貲創建大悲文昌諸閣凡有興作與傭保同勞苦遠近緇素莫不宗仰道光四年示疾辭世年五十八同時通曉字卻凡本王氏子年壯不娶一日昇所積於弟若姪投祇園出家繼住城南竹溪院受記蒞於理安澄谷和尚澄喜吟詠與當世賢士大夫遊曉木訥無他長掩關禪誦不輟積資建大悲堂爲修行地年七十餘沐浴端坐而化

○正誼字三近俗姓邱邑西南鄉大直邨人出家長洲保聖寺爲僧工詩尤善書得力於柳歐褚三家晚年益臻神妙長洲何焯嘗師事之

○釋亮字虛白畫墨竹枯梅宗文湖州

○廣照俗姓戚幼爲傭工年二十隨邑中席姓幕游山左得奇夢覺而告主人卽徒步歸崑皈依薦嚴寺披薙爲僧見廟宇傾頽背負草駝周歷城廂內外口誦佛號及木魚聲不絕戒食煙火如是者三年人鑒其誠爭相佈施不日而殿宇煥然頭禿腳赤冬夏一百衲衣寒暄不知也參禪靜坐無虛日初未讀書後稍稍識字爲人家普渡念經至老聲如童子每著靈驗有孫姓延之薦亡主人開單遺一旁支喧號聲徹戶外廣照聞之告主人補入乃寂然寺在試院右應試士子咸識赤腳和尚云年近七十無病而圓寂

○綠蘋俗姓未詳戒律精嚴住持馬鞍山之文昌宮工詩

多病喜與文士倡和其徒端嚴台州人值歲凶隨其父兄傭力到崑見綠蘋恍若有悟辭父兄求綠蘋薙髮願爲弟子端嚴本不識字旣爲僧晝則供事夜則誦經綠蘋見其勇猛精進爲之提撕三年盡通大義後亦能詩

○葉舟法號未詳葉文莊盛後裔幼失怙恃出家茜墩鎮某寺爲僧旣而來城構靜室於後市橋側種花卉軒窗明淨左右圖書几硯茶具各有位置一身蕭然晨起誦經焚香午後跌坐一室往來多文士客至烹茗清談雖在城市無異山林年七十餘遇粵匪亂避南鄉其徒之草庵不知所終或曰病卒或曰死難

○宗元法號芳谷俗姓王披薙爲僧投城南青蓮靜室善

詩精續事學倪瓚王翬一派畫耕牛羣猴筆致尤生動
書學醴泉銘筆力遒勁文學士多與之游

○桂芳住持真義鎮地藏殿解脫世累慧悟宗乘日誦大悲呪多心經數百回夜則寂坐蒲團兩鼻玉箸從孔垂尺餘人以指甲向耳微彈便開目醒視鼻箸遂縮道光中年端坐而化

○髮僧立茂不詳其姓咸以尊和尚稱之居真義鎮三官堂草衣木食戒律精嚴募建三元正殿晝夜敲木魚聲不避風霜雨雪人憫其志苦爭先佈施至道光戊申工竣梵刹一新復立誓募建大士殿落成薙髮忽於咸豐元年微疾怛化是夜天大雷電霹靂一聲頂髮盡脫視

其首光潔如薙

○瞎龍俗姓龔常熟人係明經隱迹緇流數年後披薙為僧嘗寓真義鎮素工詩其江上篇云春歸江滸百花殘日日征檣上急灘雷雨晝鳴篷戶黑魚龍夜吼雪濤寒萬山明滅鄉關杳一鉢東西客路寬歌罷滄浪雙雁去芹泥驚落釣魚竿

宋以下道

孫錯邑人祥符末讀書鎮州西山偶採藥迷失路見茅茨數間有道士據榻坐錯再拜道士熟視曰窮薄人也當使足衣食與丹砂一塊且授以符曰此可召役鬼神今歲河朔大疫以砂書符一符可售百錢下山依教鬻符

遂市牛戴鐵冠被絳衣騎至大名爲守魏太尉王嗣宗所擒錯曰吾非造妖者受神人教能令人見其祖先試之果然表送闕下補司天監保章砂盡遂去不知所之梁亮家駟馬橋下捕魚爲業嘗見一白鼠逐之入穴得書一卷讀之有悟車塘張氏世有神術亮往候之適張出擲一索於其家人見蛇入卧內大驚奔告張張知爲亮追而飲之提刑吳潛舟次江上小飲亮携籃步水上入其舟潛怪問之曰欲假公筭中白金酒罌耳潛見其籃小意不能藏試與之亮納於籃而去卽於橋上碎而分諸貧者潛以爲妖捕至官謂曰汝能去此否亮剪紙爲魚貯水於盆復剪一鷺攫魚上騰眾仰視亮忽不見

易如剛字仁甫饒州安仁人幼孤爲龍虎山道士嘗主茅

山玉晨觀慶元初住三茅壽甯觀授太乙宮高士遷左

右街道錄後至崑山爲普照觀開山住持甯宗御書觀

額賜之互詳寺觀嘉定四年賜號通妙先生十四年復加葆

真紹定辛卯卒元延祐三年加封通妙葆真文教真人

王可交居吳淞江趙屯村耕釣爲業三月三日擢舟入江

欸見彩舫漾於中流頃之舟近呼可交上舫有道士七

人皆年少玉冠霞帔侍從十餘人總角雲鬢又四人黃

衣擢舫一道士曰好骨相合仙眉間已灸破矣令侍者

瀉酒飲之再三瀉不出與二粟食之甘如飴命黃衣人

送上岸覓所乘舟不得黃衣曰不必舟但合眼自到如

其言但聞風水林木聲少頃開眼已在天台瀑布寺前
問其僧乃九月九日離家已半載矣僧設食可交厭聞
穀氣自後辟穀挈妻子隱四明山二十餘年復出明州
賣藥酤酒得錢卽以施人後卻入四明山不復出

元

王惟一處州人自號景陽子從父官華亭晚年居崑之太
倉從方外遊遇異人授以還丹九轉法惟一心傾神會
著景陽明道篇等書泰定丙寅正月三日自草遺事及
偈甫畢端坐而逝又余善字復初清真觀道士善詩楊
維禎跋其和張雨遊仙詩以爲老鐵喉中語

明

薛朝陽字鳴鳳號洞元冲靖廣道大真人先居龍虎山上

清宮有齋糧田莊在澱湖因造觀堂於此嘗召仙得薩

真人降筆洪武三十年寓報恩宮時年九十三矣沐浴

振衣端坐題詩畢擲筆而逝

亂詩玉堂侍御久思凡諱
向人間九十三此去但能
修大道青氈依舊列仙班薛詩翛然夢覺本非仙百
歲何妨欠七年昨夜崑崙孤頂上一聲霹靂舊青天

李德睿字士明號鶴瓢道人邑人也幼穎悟有出塵之想

出家於郡之迎真觀師禮趙中父習元學凡三皇內文

九鼎丹法延齡衛生之術醮章煉度之書無不該洽從

莊子正遊又明岐黃書晚遇樵人李清隱教以竇太師

飛騰針法由是以醫鳴洪武癸巳年七十二無疾而逝

胡古字太古玉泉館道士受火犀驅邪法於龍虎山後遇

異人得鞭龍五雷真訣祛魔治疾屢有應驗天啟五年夏旱邑令閔心鏡祈求不應眾推古時方病嘔強起嚙指血作檄檄訖大呼者三俄片雲從西北來大雨竟日民賴有秋晚歲重濬玉泉井并輯邑廟志

國朝

○李樸字天木吳縣人居朝真觀與施道淵同受異人金丹火候性命宗旨精熟紫清洞元秘法年四十辟穀晝夜不眠與人語隨機開示使之了悟善詩畫工書法於順治乙未居丹里圓白堂至康熙庚戌秋夢青衣謂曰上帝召汝遂凝坐而化學者私謚沖夷先生

○支道人名乾陽順治乙酉後來崑莫知其所自嘗同人

避暑葛家祠值大風起震蕩牀帷人不堪其涼道人酣睡自若又嘗假居僧舍時寒甚草木多凍死寺僧晨起趨視之見道人方露坐中庭氣蒸蒸如雲有一物狀如雞子光熊熊然周一身上下聞道人微咳聲則光已隱矣僧大驚異後不知所終

○周拱璐字彥介明兵部主事光祖曾孫父纒歿遺腹生拱璐甫能言問父所在母告以故輒嗚咽長而遊庠食餼與兄振范求根柢之學後丁母艱哀毀幾不起康熙乙丑選入成均後屏絕名場棲心元門結壇於西乾道院日安雅已從元門借徑悟入宗門與袁列星切證悟後大事針芥投合卒年六十二

○劉科揚字順三故儒家子少爲玉泉館道士精參元理時或忘寢達旦後遊京師

世宗憲皇帝在藩邸深加器重恩禮有加書仙階之秀匾額賜之尋歸住玉泉建斗姥閣於館之後長洲沈德潛顏曰冲虛邑遇水旱邀之祈禱輒應邑令蔡書紳與科揚有舊敬其齒德呼爲老友科揚語不及私書紳益重之卒年六十九

○孫鼎字正凝幼爲清真觀道士研究元學受清微法要於龍虎山上清宮提點雷觀垣邱鐵山凡章醮煉度諸科儀遠有端委舊時清真觀爲里人嬉遊之所自鼎爲住持律身嚴謹遠近罔不祇肅少喜臨池嘗學書於顧

茂禮誦之餘日惟染翰自娛以老壽終

○莊鴻其幼從清真觀道士爲師棲心元理旁及六壬課卜禳星演儀教科無不洞曉好書畫日臨九成宮數百字書法端勁寫生得黃荃筆意着紙如真人爭寶之性雅潔庭階遍植花卉自號灌園道人中年又習琴碁喜與文士遊每日讀經畢靜坐客至烹茗清談或撫琴或對弈藉以消遣年六十餘以痰疾終

○王元常真義鎮人性樸誠能通道德真經妙義遇文人學士輒虛懷請質至老不衰書法初學歐陽後參王趙年逾七旬卒

○周鈺字廷先號愚堂世爲符籙之術與邑人陳景崧邱

以登張景煦為道義交性耿介書法逼近晉人不輕為人下筆為新陽城隍廟道士精吹簫笛音韻過人以孤傲絕俗終其身

崑新兩縣續修合志卷三十五終

崑新兩縣續修合志卷三十六

列女一

邑舊志列女紀載無多自

國朝乙酉之役抗節殉難者不可枚舉蒐羅採訪具有明徵及咸豐庚申至同治癸亥兩邑婦女殉粵逆之難至慘且多闡揚紀載卷帙益繁仍倣原志賢淑而外次以義烈其完節貞孝事蹟可攷者分編備錄至例應題旌而未及旌者各分已故現存附著於篇

賢淑

宋

龔氏都官員外郎宗元女嫁德化知縣福州李處道讀書

賢淑

通大義賦詩作事皆過人晚喜佛書自名曰守安處道
年高而宦不達龔能安之元符三年卒年六十四葬武
昌二子抗援篤學有文皆龔所親教後援舉進士按龔氏既遠嫁福州錄其事行似與志例未合以舊志所載仍之

王氏監察御史葆之女以夫周必大貴累封益國夫人自
少敏慧高潔女工儒業下至書算無不洞悉然非所好
惟以孝謹靜順爲心祖母史耄期卧疾喜怒不常左右
莫敢近氏晝夜奉湯藥不憚勞苦獨得歡心初歸必大
官微錄簿善能節損迨居館職相與商論古今手抄經
史課子讀書每至丙夜與必大相敬如賓常言富貴非
吾所欲若得歸隱林泉世務不入乎耳是吾心也其識

見明達如此

明

朱壽母王氏均禮妻生於元至明永樂初卒得壽一百有
四歲鄭文康像贊云身不事佛而佛其心口不如素而
素其行事心佛而無意於來生之福持素行而有心於
隨遇之誠邪言罔惑正理亦明宜其享百年之上壽而
爲閨閻之儀型

陸氏工部侍郎王永和妻封淑人正統時永和劾錦衣指
揮馬順不法事氏聞之喜曰吾得爲忠臣婦榮於命婦
矣迨永和死土木之難氏哭曰恨爲婦人不能爲朝廷
雪恥耳長號數日氣絕而死

王氏魏鍾妻性嚴重寡言笑一日鍾失愛於其兄氏聞之治具延兄為謝過命二子侍食其兄鏞曰吾聞兄弟之好以婦人敗不聞以婦人全也吾弟婦賢矣哉一日又嗾其表兄弟之子氏曰君母族惟一息耳奈何不能寬容鍾瞿然稱善孫校成進士為理學名臣

邵氏唐愛貞繼妻視前室子如已出愛貞死氏守節三十七年子凡七人次子某不馴戒之不從鳴於官逐之既而以材勇補守備來省騎從赫如氏擯不見族人疑之歎曰此子不良安知非禍越二年從征湖襄間有罪以兩見逐得免牽連於是咸稱氏有遠識其曾孫兆熊每舉以語人云

巴城壽母謝氏年一百有五歲邑人顧潛賦詩壽之有耳

中已歷十朝帝膝下今看五代孫之句按謝氏生平無可考然年至期

頤者數百年來不多見故附存之

國朝

○畢氏名著字韜文歙縣人為邑人王聖開妻父守薊邱與流賊戰死尸為賊擄眾議請兵復讐著謂請兵則曠日賊且知備即於是夜率精銳入賊營賊方飲酒著手刃其渠眾潰輿父屍還葬金陵時二十歲女子耳後歸聖開裙布釵荆一安義命夙工詩長洲沈德潛選其詩於別裁集中

○顧氏贈資政大夫徐開法妻贊善紹芳孫女蔭生同應

貴州府志續修卷三十六
女性明敏有遠識事姑潘節母甚孝謹訓子乾學秉義
元文等極嚴常潛至書舍聽子談論經史文義則喜或
間語博塞游戲事卽怒而切責之至加夏楚時吳中文
會甚盛與諸子遊者多四方知名士氏從屏間察聽其
賢者令諸子親之而遠其不賢者後三子並登鼎甲躋
卿相一門貴盛皆氏之教也

○李氏副貢葉方至妻明山東巡撫同芳孫女編修允昌
幼女少讀書識大體治家嚴肅方至歿氏延師訓子振
挺及贅婿興化李柟柟之貴顯由氏力也族黨遇大事
有大疑必就質於氏時稱女中丈夫自幼能詩然不苟
作柟嘗請其稿授梓卒不許

○王氏名安世鄖陽巡撫永祚孫女太學生晨女初能言
作北音稍長喜讀書閱明季紀載及毅宗殉社稷事失
聲慟哭每遇三月十九日輒悲泣不已後適吳江葉舒
璐事舅姑盡禮夫婦亦相敬但不共處爲夫置一妾比
舒璐補諸生憤不與交語晝夜慟遂喪目請於舅願大
歸得允尋遇醫目復明匿影深閨恣意誦讀以終

○朱氏庠生顧纘妻參政日燦女纘羅乙酉之難氏自刺
其喉不殊久之得甦姑何氏遭游騎斫右臂氏裂繻爲
姑裹創復自塞其頸相抱匿破屋以免教二子洪善洪
泰洪善成進士官中書氏封孺人事詳其甥徐乾學所
撰壽序卒年十四

貞孝列傳卷之六 卷三十六
四
○朱氏贈庶常王孚繼妻文學堪女少失父母從祖孝廉國輔撫之嫁後不數年夫亡遺孤喆生五歲慧生甫八月舅志長家規整肅氏承嚴訓持家教子動必以禮事衰舅以孝聞家日陵替氏悉力枝梧迨喆生成進士入翰林愈自謙約蔬食布素終其身康熙二十三年旌旋封太孺人卒年七十七

○徐氏顧仁彬妻中允開禧孫女貢生與袁女幼失恃卽茹素孝事繼母趙仁彬母亦徐氏知其孝遂締姻仁彬旋嬰心疾內外難之氏堅執大義成婚後氏奉侍湯藥綜理家政變奩償逋絕不諉於夫之同母兄仁彬歿撫孤世醇世振親訓書史姑病焚香籲天割股和藥以進

姑病瘳而氏竟不起卒年三十四朱用純誌其墓

○朱氏庠生徐全斌繼妻居邑之小瀟祖姑及姑同寢疾氏夙夜奉侍不少懈姑病少痊欲起事祖姑慰之曰有婦在勿憂也已而全斌卒無子止二女撫姪書璿爲後氏年尚少家貧值歲祲糟糠是屢姑嘗語人曰我長媳最貧最孝隆冬無褐無幾微怨尤色晚寢疾臨終誠書璿曰吾所以偷生至今者爲諸喪未舉也今大事粗了死不恨殮後三日卽合葬以遂吾志書璿泣受命乃瞋檢討葉淳立傳以表之

○蘇氏王崧妻父嶠吳橋人康熙初以騎射選從康親王入闈以功授都司辭歸養母課女讀書識大義及適崧

孝事翁姑夫亡遺腹生荃翁隨歿侍養邁姑惟謹荃既就塾晨夕訓誡以逮通顯一生蔬布親戚以甘美進恒卻之守節二十八年卒年六十三

○歸氏顧仁謐妻仁謐好遠遊氏奉姑盡孝又教子極嚴家貧不能延師氏親為句讀每訓諸子曰人常咬得菜根則百事可做此語當書諸紳禁勿飲酒曰能悞事不許蓄錢曰此賭之媒也諸子皆稟遵其訓

○劉氏孝子顧存儒妻故出貧家習紡績勤儉治家念姑朱生自富室不幸苦節自甘時伺姑意以十指所獲市甘鮮勸膳自奉則粗糲不給姑歿佐夫治喪葬撫伯氏女不異己生生事漸豐終不忘艱窘學使張廷璐旌曰女宗垂範

○王氏陸聖彬妻生順治二年至乾隆十一年一百一十二歲有司以聞奉詔旌其門曰貞壽又閱數年而歿

○湯氏朱紹璠妻紹璠好善樂施氏每事順承善成夫志紹璠既卒氏訓督諸子持家政者四十餘年內外雖肅孫曾多蜚聲譽序皆敦孝友能文章生於康熙丁卯逮乾隆戊申一百有二歲子繩祖孫叔鴻具狀所司為奏請奉旨錫帑建百歲坊於其門又逾年卒

○韓氏優廩貢訓導李德郊妻仁和廩貢文彬長女幼嫻閨訓年十八歸李夫性至孝氏佐夫事舅姑先意承志有不懌百端排解轉為歡容而後退姑吳患水腫病年餘侍湯藥不假婢媪手始終無倦懈家中落恐厓堂上

憂罄嫁資以供甘旨持家勤儉夫無內顧憂夫病歿哀毀骨立日居柩側慟泣至九閱月成瘵疾卒年五十一媳錢氏子細之元室歛司訓常熟錢潔女自幼敦孝行稟穎慧讀六經四子書十行並下過目不忘喜閱史漢歷代史及唐宋元明國朝各家詩成誦如流耽吟詠父母嘗謂女子以斂才為福吟稿輒隨手散佚事親曲順得歡心逾笄嫁事舅姑如事父母處妯娌和舅歿慰姑哀慟晨昏不離側姑病篤刲豢和藥進繼以身代禱天俱不效哀毀欲殉氣絕復甦細遊冀燕後訓諸子暨幼夫弟晝則就傅宵則篝燈督課時舉古名臣言行指講相勸年四十遭庚申寇亂遷徙流離邁疫癘卒

○杜氏直隸武邑令羣玉孫女諸生翀長女自幼隨侍祖父任所有穎慧方四歲父教以詩卽成誦稍長喜書畫書學十三行畫學惲南田尤能詩及笄已哀然成帙年二十一適同邑諸生朱啟房紹璠之曾孫時舅姑在堂俱年邁家貧啟房授徒脩脯不給甘旨氏主中饋典質以博堂上歡暇餘不輟吟詠其詠蟋蟀詩云秋到江邊露氣滋一聲聲逐漏遲遲燈前隱約詩成後枕上淒清夢醒時遙夜幾回縈玉砌小窗直欲譜琴絲何當銷卻無窮恨待得牆東旭日馳詠炭團詩結聯云夜深那肯消磨盡一點紅心到日高讀三國志詩結聯云鯨飛虎鬪三分局千古茫茫酒一盃口吻絕殊閨秀句皆膾炙

皇朝興修志 卷三十六
人口舅姑歿佐啟房營喪葬盡哀禮啟房中年後就館
遠出氏督課諸子詩書宵深不倦子長吳昌穀齊慶成
熙先後遊庠成熙由選貢膺鄉薦同治辛未成進士入
詞垣捷書至氏喜慰交集謂教子十數年有子成名不
負初志矣光緒二年壽登九十有一

義烈上

元

茅氏都水監朱虎妻虎坐事籍其家茅氏及二子俱錄送
京師沒屬官醫提點師且茅氏誓不失身與二子衣裾
連結晝夜抱持號泣不食者數日師屢以勢臨之終不
能奪虎故人王大卿等合錢贖回寓於永安尼寺悲憂

成疾卒至元五年虎兒子謙以氏節行請於有司省部
以聞詔旌表之仍錄付史館知州僕侯斯立石墓上
張氏周某妻太倉百夫長之女年十七贅夫歲餘氏之父
與其伍謀刺其帥事泄夷其家父母及夫皆死次縛氏
於武陵橋將斬之帥子惜其姿容令舍之語之曰能從
我活汝命氏怒曰豈有父母及夫皆死而我獨生者乎
又誘曰苟從我當葬若父母與夫氏益怒帥子拔刀磨
其頸曰汝不從斷汝首啖汝肉氏罵曰不義賊而父既
殺吾父而乃欲污我耶帥子度不可脅憤而殺之時至
正十六年也

謝氏沈慶一妻年二十八夫亡至正壬辰海寇方谷珍剽

掠沿海女婦甚衆氏度已姿容不可免歎曰河去舍遠
吾不能赴水以全屍苟得全吾志足矣積薪縱火自焚
死寇退家人得其骨葬之成化中陸武表其墓

明

薛氏銀工女有麗色嫁縣小吏邵某洪武初邵坐法當死
送京師時氏年二十餘將行押卒見而悅之謂邵曰若
欲生致都下盍使事我否則促死矣邵懼曰如命乃密
呼氏語故氏曰吾身潔污君不可得復主矣是日盛設
酒饌飼邵至暮遂自經粉閣中鄰里收葬之事久湮沒
天順八年鄭文康得諸彭氏九十老姑之言始知其冢
在西溢瀆村彭氏菜園內卽當時粉閣也爲立傳葉盛

陸武皆爲文表之

鍾氏孝子陸安妻居道德里婚纔浹旬值安父德甫以事
逮至京師議大辟安謂氏曰吾不忍吾父死吾將代之
汝再適人當以一麥飯致吾墓而去氏曰吾有以處此
矣後德甫囊安骨歸氏抱哭盡哀卽自經死合葬於薦
嚴寺前稱孝烈墓

互詳冢墓
及雜紀

錢氏胡原妻洪武末原戍雲南遭竄事覺坐棄市氏與訣
曰君萬里歸爲母與妾耳君死妾何獨生夜分抱兒乳
之泣曰不能保汝矣遂自縊年二十八袁華爲之傳

陳氏小民陳演女黃福安妻福安育於同里浦均茂家年
十八娶氏配之生子未期福安卒將殯氏攜孤撫棺哭

甚哀至夜雉經死時宣德四年

王氏名素湖涇農家女年十四嫁朱佩越四年夫亡父母憫其早寡無子潛以字人氏覺之遂縊死

顧氏女太倉人父母早亡鞠於叔父初許嫁王氏未醮而夫亡叔父復許嫁徐氏擇日強之行女乃以帛纏束其體牢不可解至則謂徐曰吾故王郎妻也堅拒不成禮徐亦義之不忍強至夕縊死

鄭氏名慶字宜君雙松先生壬女年十八歸諸生彭餘璋及期夫病再期夫亡生一子方周歲宜君號哭抱持三日成殮淚盡不能言直呼曰天來爾借我往又四日乃托其遺孤於兄文康潛自沈死時正統癸亥十月也年

二十一有司以聞詔旌其門曰貞烈

吳氏縣吏沈濬妻濬病危時鄭宜君方死節鄉人喑喑歎賞氏默有所感後一月濬死殮畢從容洗沐更衣自經後濬死纔五日年二十九冀詔有詩挽之

陸氏士人王士妻寡言謹行于歸後三年人不聞其聲足不出戶外土習舉子業垂成而病既革語氏曰吾死汝將安歸曰吾自有處必無他志為君辱也土喜目遂瞑殮畢即不食家人勸諭百方曰吾夫不能養父反累父治其棺衾吾何忍復以棺衾累之也眾信之防稍懈即以楮幣焚柩前若有所禱闔戶自經去其夫死纔七年二十二其居在西湓瀆村薛烈婦鄭宜君並殉節邑

人名其里曰三烈先是陸氏墓在進福橋自烈婦入王
土門墓園枯竹更青三年三生芝草皆雙莖四年芝不
生而烈婦死節此嘉靖初事也歸有光作傳

王氏周鑑妻應天府丞執禮女弟少通經史年十八嫁五
年鑑死遺二孤氏哀痛欲絕所親諭以撫孤明志孤復
歿決意求死有小姑與同臥起乘間自縊顧夢川爲之

志嘉靖十
九年旌

盛氏楊承宗妻承宗幼失父其母納惡少沈某爲後夫見
氏色美屢挑之弗從他日計使承宗遠出以深夜入其
寢逼之氏竭力撐拒且哭且譟聲聞比鄰惡少怒甚批
其頰流血乃去氏卽自縊死平明覺之負其屍置積薪

中竊其服飾逃焉氏死年二十嘉靖壬辰十二月事

顧氏阿妹長洲顧欽女嘉靖三十三年倭賊掠安亭里阿
妹負兒匿田間爲賊所得被羈劫之行至吳塘橋棄兒
自溺歿又有烈婦失其姓亦安亭里人嘉靖三十四年
爲倭所得至佛舍欲污之衣帶固結不可犯乃剖其腹
腸胃流出里人爲藁葬北原上歸有光題墓碣

張氏里涇人夫亡夫之弟攘其田廬逼嫁之氏遷往兄所
夫弟偵其兄出劫以手所許陸氏爲婦氏卽絕食陸氏
婦女日與居說之不答竟縊死陸歸其屍葬於故夫之
旁時嘉靖三十四年十月晦也

方氏陶子舸妻蘄水令玉崗女年十八歸子舸期年而寡

氏數欲自經或責以婦姑在因俛默久之卜葬子側其
旁卽自爲穴後九年姑歿舍殮畢入室屑金和水服之
不死投井隘不能下夜投舍西水中手持菱根牢不可
解家人得屍啟其墳葬之

嘉靖四十二年旌

周氏庠生龔濂妻年十七歸濂不三年濂以癩疾走死於
外氏卽欲自經姑沈氏止之曰爲夫立後死未晚也因
立族子文楷爲後不食死

尤氏貢生鏞女嫁諸生趙一鳳早死將殉之顧二子方襁
褌爲強食二子復殤慟曰可以從夫矣痛夫未葬卽營
窀穸惡少年豔其色訾其目曰彼盼美而流烏能久也
氏聞之夜取石灰手按目血出立枯置棺自隨夫葬畢

卽自縊或解之乃觸石裂額趨赴棺中死明史有傳

張氏沈蕃妻蕃業屠爲子錢家所辱憤死子甫周歲氏誓
以身殉嘗與姑訣曰服滿兒不須乳此我死之日矣氏
蓋以夫家不知禮而索逋者意欲取償於氏也旣終喪
設几筵哭盡哀乳兒畢自經死萬曆壬午年事

顧氏楊一夔妻嫁三年一夔被酒出浴溺死氏痛欲殉舅
日森以撫孤勉之無何子又殤乃自經於床姑救之復
甦日森大呼曰新婦獨不念我二老人耶因痛哭氏應
之孝養七年日森死氏以姑有四女足相慰一日伺姑
出距戶更新衣自縊衣裳三襲皆緝合先是葬一夔預
爲己壙死之日卽合葬焉年三十一歸子慕有傳

陳氏歸善世妻年十九嫁二年善世疾亟遣歸與母居泣
日妾無歸理君卽死當隨君善世死卽拔劍自裁母持
之謂母曰兒已許夫死矣且無子宜死年少宜死舅姑
老後日無依宜死舅姑尙有子奉養無須我宜死母守
之三日夜又謂母曰兒一刻生卽一刻如刀刺願聽兒
死婢進糜則以置善世前曰君食我亦食舍尸以玉珥
留一自含曰九泉以此爲信母知其志堅語其舅姑從
之乃沐浴更衣出拜舅姑歸寢盜死時萬曆三十三年
十月十四後善世死纔五日歸子慕有傳
房氏顧應元妻婚甫一年應元隨父穫於鄉氏與姑臥樓
上黎明鄰舍失火將延及氏驚醒亟束衣起兼發下其

姑姑旣下而氏以倉遽弗及中衣欲還服之入樓灼死
應元歸發礫得氏屍下體燼而上體儼存

陳氏支纘武妻婚一月纘武病將死語妻父曰妻年少必
嫁之旣殯氏絕粒十一日死事聞旌表建祠

錢氏贈光祿卿諡烈愍張振德妻二女曰淑昭淑慶振德
知四川興文縣妻女並隨官舍天啟元年藺酋奢崇明
陷興文振德命錢及二女各持一刀坐後堂曰若輩死
此吾死前堂俄而賊縱火氏與二女先刎死女婢從者
蘇氏沈氏振德令家人亦舉火火熾自到一門死者十
二人天啟二年詔建烈愍祠錢氏贈貞烈二女並贈孝
烈皆耐祭

顧氏庠生張紀妻振德之媳也隨紀至興文署會紀以試
事南歸難作卽趨出奮身投烈焰以殉後旌贈如例

姜氏庠生龔汝騏妻居真義年十七嫁越六年夫卒語其

父曰女必不獨生矣旣卒哭遂自經

天啟二年旌

邱氏安亭里陳珙妻孝子太學生隆光女年十八歸珙事
姑以孝聞天啟三年珙病歿氏年二十誓從死姑聞之
亦不欲生乃曰未亾人當爲已亾子供職閱七年而姑
亾氏卽決曰吾今日從夫地下矣一慟嘔血數升絕粒
死

瞿氏方夢嘉妻教諭良學女生子女各一夢嘉死氏晝夜
泣有從母勸其改適氏私謂其女曰若與弟善事祖母

餒無啼吾死可以擔土葬汝父旁女穉小不甚防守黎
明不見母而泣已投繯絕矣崇禎二年二月二十日事
陸氏諸繼祥妻有姿色年十六歸諸諸之族叔有宗者性
姦淫居道褐浦謀與同居數挑氏氏密防之一日天未
明宗呼繼祥適市乘間踰墻入抱持之氏厲聲大呼宗
始捨去繼祥歸泣告之懦不敢言乃自經死年二十一
繼祥訟之官宗行賄求庇卒不得白崇禎三年四月事
陳氏景運昌妻年十八嫁未期夫亡氏求死家人持之氏
曰我宜死者三舅姑有長子可終養一也已無子二也
身出儒家知義理三也越十八日自經初運昌病氏父
來視聞死頓足曰吾女死矣其見信如此

董氏周巷羅季倫妻貌婉麗季倫死其友嵇一往唁見氏
心動遣嫗致殷勤告以無婦欲娶意氏大恚不答後嵇
一夜往欲犯氏氏持髮擊破其首號泣自縊時崇禎十
四年五月十八日也氏兄董質夫訟於縣縣不問而嵇
一竟以頭破死

周氏顧升陞妻冀州守鼎新女夫亡守志隨父母北宦次
吳城鎮遇盜有僕欲襁負之潛伏於柁氏勃然曰我何
人受若襁耶躍入水死

顧氏陸朝棟妻年二十五夫亡誓殉父母與姑共守之逾
百日絕粒死

顧氏江西布政使夏萬亨妻封恭人萬亨備兵南瑞時金

聲桓兵至南昌陷氏偕兩寡媳奔建昌居益王宮建昌
又破氏率長媳日省妻陸氏出宮途過一池陸偕子祥
孫女瑞姐崔姐沈焉及夏氏瓊花井氏曰我夏氏命婦
也宜死此井亦自沈次媳張自有傳僕俞忠夫妻子女
四口及趙童鄒顯莊武陳大郎等乳嫗某氏婢王氏如
意金梅來喜等皆赴水

唐氏朱康伯妻太倉庠生唐武揚女母徐氏殉武揚死者
氏育於祖父母年十九而嫁康伯歿氏殮畢自經死
周氏訓導何天衢妻鄒平王府教授可立女初可立教授
長興天衢夫婦隨往天衢病醫禱無效有媪密教氏剖
股且戒勿言言則三年當死氏潛剖股和椒湯進之而

愈天衢見氏有癩痕因問之氏不敢隱後三年果死歸

有光為文弔之

按此與殉義死節者有間然終以救夫致死故因原志所載存之

乙酉殉難義烈

顧志本曹夢元殉難錄分節發幼烈從夫偕義安節拒擄諸目原志又增採玉

峯完節錄遺民閱清錄等書編入今依原志

范氏贈太常王燾妻封淑人乙酉七月城陷端坐不屈死

一女適朱宗侯遇兵被縛潛解其縛投池死第五女餘

姐先一日赴井死年十九

管貞女民家女也生而幽靜父文華愛之許字包宗賢未

婚而宗賢卒女泣告母曰生不相見死而送殮於禮可

乎母以告文華許之遂緘髮往視殮已而竟止姑室父

母勸之歸曰俟送葬既葬日請終喪強之歸乃住小樓

禮佛粗服素食不下樓者十三年文華前死城破時女

早起焚香課佛畢與母東西相向縊死年三十

黃氏蘇賦才妻蘇家世貧業磨腐賦才性孝好學一屋中

書籍與磨俱誦讀至夜分不輟崇禎七年賦才病亟呼

氏與訣氏曰吾見子忍飢寒以飽暖父母父母不憚必

捧其面撫其背作小兒狀以悅之子如不諱當代子職

以報賦才死氏年二十三止生一女每毀容慟哭舅姑

亦哭氏憮然曰我以舅姑在故不死不可更重其哀乃

更以言慰舅姑事之甚謹歲大禮糟糠不給而奉養無

缺城潰謂其女曰若之何女曰從母死耳女先入井氏

繼之遠為兵所執挾之上馬氏哭且詈兵怒繫之馬尾

皇朝同治縣志卷三十六
三十一
倒曳於途卒劊剔之以死

張氏沈伯宣妻副使情之孫重德第五女也又張氏蔡伯謙繼妻重德仲子士衡女皆寡皆無子相依以居伯謙前妻生二子方煜方燧俱庠生兵薄城欲借出北門不得乃相謀赴水恐衣重襲爲苻藻所縲各去上衣之長者相繼投河死方燧侍母不去遂遇害方燧妻張氏亦投池浮沈蘆葦中四晝夜不死以救免後守節四十年蔡氏太學生顧錫眉妾吳縣人年二十九錫眉死氏撫二孤成立城陷一門二十餘口俱罹難長媳王氏年十九懷孕八月兵將汚之王奪刀欲自刎兵揮刀斷其首又欲刎氏氏赴水被數槍死

鄭氏周忠言妻少寡依胞弟啟安家守節四十五年城被圍氏與新寡姪女王伯先妻年三十二姪婦鄭詞正妻周氏年二十八相約兵來必當死勿疑勿遲勿他走指一井曰此一門安身地也城潰俱入井氏獨浮僕婦起之遂自縊啟安被害詞正抱四歲子亦投井

姜氏高振南繼妻夫死遺五子撫前妻子魁猶已子守節三十年七月五日沐浴拜天地誓不辱城破率婦女投河死娣張氏高崑南繼妻潛匿得免後太倉兵至投池死姪國柱妻顧氏投河被挽驅至新橋不肯行死橋下周氏李采晨妻少寡守節十六年嘗自誓曰倘崑城有變當縊五貞祠以成六貞城潰果踐其言

貞烈同縣續修志 卷三十六
蔣氏李某妻夫亡守寡母家苦節三十年兵至借鄰女吳氏投半山橋下死

劉氏王伯瑜妻家羅家港夫早卒聞城中婦女被汚語其鄰姬曰曷不早自盡而受辱至此兵至遂投水死

沈氏太學生徐永芳妾寡居無子遇難兵先執他婦氏從旁呼曰死耳必不可從兵併執之厲聲罵曰何不速殺我兵怒斫爲肉醬

王氏徐庭妻年二十寡誓無他志城破語幼叔徐元曰汝夫婦俱年少恐不免我護汝兒或存徐氏一脈兵強之去遂攜姪沈河中氣絕猶抱姪在手

陸氏沈槐妻住牛草灣夫早卒窮苦守節八月十一日避兵小雲田被執不從兵斫之碎腦斷手而死年四十五

陸氏庠生朱琪妻夫亡守節城破守棺不去被殺
陳氏郁某妻候選教諭應選孫婦也守節十九年所居惟破屋二間城破自縊死

蘭芳失其姓陳孺妻年未二十夫亡屢欲從死以娠身而止聞兵至縊死於床

羅鐵匠妻家貧夫死獨居守志年未老恐受辱投井死
周氏陳聖先妻寡居投井死婢金氏與其夫不欲死主家先死其三歲兒遂相對縊死於廁

朱氏鄔仁甫妻孝子家佐女夫亡撫孤城陷挈子人傑走避道壅相失子求母不得投井死氏知子已死亦赴井

茅氏郡庠廩生夏都妻庠生彙征女年二十五都亡遺孤
世臣生纔三歲家貧時食糠覈辛苦教子經史皆口授
世臣年十七遊庠崇禎十七年御史聞於朝旌表城破
氏諭世臣曰夏氏一脈僅延汝不可死遂偕媳王氏義
女秋桂抱未及期孫女同投於東城之迎鐘浦
孫氏徐及源妻以孝敬稱及源死未及葬城陷語其子雲
曰吾欲葬而先人今不能矣遂縊死及源柩旁媳董氏
甥女戴聖其妻周氏年俱二十一各懷一子從死
蔣氏朱敬山妻年二十六夫亡家貧撫孤守節四十年兵
至氏嘗之就刃門首

高澄妻寡居年七十兵至端坐不動殺於座上

宋燈籠母守寡年七十四兵至端坐念佛兵怒殺之

王氏廩生陳一中字服一妻夫亡布衣蔬食奉佛兵至氏
守井傍誦佛待死已而執戈者踰垣下遂入井死幼子
永年守母不去被擒幼媳朱氏搜出不受辱被殺永年
有一子乳嫗抱之入井

劉氏庠生金履正妾中年寡居與婢冬桂紡織爲食兵叱
令執爨氏曰我雖年耄不可爲鼠輩所陵遂自經冬桂
亦躍入井

周寡婦僦居縣東一廛製鞋以市端慎不欺人稱周寡婦
鞋兵至被殺後里中存者談及之每泣下

戴氏刑部主事何琪枝妾生二子琪枝卒氏年二十何故

清宦貧產薄而嫡子復攘之盡氏挈二孤寄居甥女家
 女工自活苦守三十八年城潰避匿周圍已兩日太倉
 兵至適一乳媪潛出採桃兵見之遂搜出氏斫數刃死
 陸氏許宗美次媳年二十五夫亡守寡二年紡績以養舅
 姑城破氏挈小姑登姐先投井死宗美憤言被傷投井
 死宗美女嫁徐庭碩者適歸省被擄不肯行遇害
 朱氏周在星母同子死於尚書里之井又徐隆墟之女歸
 方生早寡守節母家二十年繼朱氏入井
 顧氏胡某妻家陳墓夫亡遺二子家貧遣為資福庵僧號
 去凡者其次子也守節有年避兵庵中兵猝至氏急涉
 水登北岸回視二子皆被執遂赴水死年五十七

張氏碧峯女守寡母家同鄰王爾調母凌氏俱投水死
 吳氏費守溪妻守寡年六十二殺於家次媳陳氏被掠不
 受汚兵砍殺之

沈氏郁彥修母同媳陳氏縊死樓中
 馮氏痘醫劉豫暘妻 沈氏盧某妻同一女 梁氏柳南
 橋妻 金氏陸俸妻 殷氏某人妻 楊氏吳繼甫母
 同媳李氏李懷一子一女 王氏鍾奉山祖母 李氏
 金振野母 馮氏李仲調妻 劉氏范三妻 某氏吳
 思溪母 朱氏張某妻同女僮徐阿八 馮紙作母同
 媳朱氏俱赴河池死

季昌甫母 薛氏夏孺翀妻 劉氏朝陽門某人妻 唐

氏王侍江妻 吉氏某人妻俱投井死

殷氏徐某妻同孫女 胡氏某人妻 顧氏陸伯仁妻俱

自縊死

某氏朱順葵母 周氏陳大呂妻 徐氏任適之妻 金

氏京繼耕妻 邵氏龔大妻 榮氏某人妻 葉氏庠

生孫瞻黃妻同婢玉蘭 俞氏張惺吾妻 邵氏陸少

溪妻同子雲海 徐氏張鳳橋妻 張思堂母 羅直

言母 王二母 王氏沈信妻 金氏庠生王沾字仲

光妻 蔣氏王某妻 張氏俞愛溪妻俱被殺以上俱節稜

夏維善幼女六歲聞城陷語母曰兵來那得不死即投井

朱心燕女年十三兵攻城適病初痊不能步語父母曰吾

家可速出城吾不能當死於井已而果得屍於井

陳大姐父母被執驅迫就道至後兵執母手曰願同死此

河勿作他鄉鬼相抱而哭兵復加鞭父母方回顧則已

投河矣

庠生王季人仲女父母早亡年十六兵至投池中撞石死

徐氏糧書雲卿女性端重城破趨赴河行過一井曰此亦

可死何必河遂入井又石氏李二妻同其夫之妹增郎

相繼而下增亦室女也

桂姑棗葭浜李殷甫女聞城陷曰兵至必罵之罵之以速

其殺可也有死毋辱兵至驅之行桂姑大罵兵怒殺之

伊氏年十七貌絕麗扶祖母出東門其繼母先已帶帽服

男衣出城氏隨祖母不離側兵掠之不行殺水關下

場秦有三女長梅年十八次蘭年十六幼蓮年十三父與

次子麟守婢死三女相謂曰我姊妹生相聚死亦不忍

相離乃解髮連結赴水死

吳霏玉二女一日復年二十三一日辰年十九俱以不受

汚被殺 孫氏女年十五擯之不肯行被殺 勝姐邵

敬峯女年十八見母朱氏被殺投河死 馬遲姐碧峯

女同僕婦三因義男阿大赴水死 錢嘉之住火燒街

有女及笄投河死 朱貴女同外祖母投荷池死 王

壽官升卿女投池死 醫士徐紹字女年十四投宣涇

死 陳瑞甫女年十五抱三歲弟投河死 卜者顧婁

泉之女投河死 夏觀姐毓誠妹年十八先投井兄亦

繼下 錢侍樓女見母被縛遂投井 貞官顧兼山女

同嫂諸氏投井 華侍橋女投東禪寺前井 陳是吉

次女投井死 戴氏女年十四投井死 徐晉侯次女

年及笄不受汚被殺 金四姐侍溪女不屈被殺 朱

振之女同其外祖母俱被殺 阿桂柴開殷婢隨其主

赴水死 春梅沈玉泉婢投南倉河死 朱聖玉一門

俱盡婢陸大抱其幼主投河池死 以上俱幼烈

沈氏上永慶妻氏雅知詩城陷永慶語氏曰我一家盡此

刻矣氏顧而笑永慶曰勿以為戲乃先縊其少子夫婦

遂同縊山顛觀音殿側

張氏王汝召妻殉難諸生上緝之嫡姑見夫與子被刃奮
臂揮斧斫兵被縛拘於葛園一孫男一孫女呱呱相隨
夜二鼓兵熟睡氏奮力斷縛取其刀砍死一兵其一驚
醒砍氏洞胃死二雛亦被害

朱氏京營遊擊孫志尹妻志尹戰歿於陣氏自縊不死以
哀痛尋歿有女及笄投井兵挽之起卒不受辱死井旁
董氏庠生李枝森妾與一女俱以不受汚見殺

姜氏眼醫陳慕濱妻有女避難入城同被殺

袁氏錢子靜妻避兵桃源場兵執子靜欲汚氏子靜大罵
兵將斫之氏於兵後掣刀自刎子靜旋遇害

某氏徐原妻見夫被殺負之歸以紫蘇香水拭之臥之於

門且哭且罵兵怒斫之絕半日屍忽自移與夫同臥

觀橋南一婦其夫先被殺兵以醜語挑婦婦佯笑曰此亦
易事須放下刀兵不疑遂解衣甲婦卽掣其刀砍殺之

門外兵隨入揮作三截

某氏嘉定諸生吳其沆妻隨夫偕死

陳氏周瀾妻與瀾挈子楨俱赴宅傍水中死

徐氏醫士韓元鎮妻元鎮被殺氏與二女喜姐善姐俱死

於井

福姐貢生顧循妾懷娠數月兵至懇曰我主無後我幸有
身幸留我不許又曰殺我乞留我主亦不許循既殺福
姐哭且罵觸堦自擲墮胎而死兩婢紫簫阿雲俱赴井

葛氏庠生周復培妻復培被刃氏枕尸哭三晝夜棺殮畢
絕粒死子五郎被擲水缸死復培庶母王氏亦被殺

張氏趙瑞甫妻匿夫床下已避僻所兵獲瑞甫氏趨出求
代兵不許盡殺之

村氏顧侍槐妻兵索貲氏傾千金與之求釋其夫不得呼
天而哭被擊死幼媳王氏投井其鄰鄒裁妻見氏姑媳
死抱其女縊於廁

朱氏陸鼎字子鉉妻貢生漢徵長女少讀書知大體事孀
姑甚謹鼎被害氏匿荒塚邊兵索得之大罵受刃破顱
裂腦而死年二十九幼子撫屍吮乳亦死

蕭氏開封推官朱國輔妾不屈被殺

吳氏庠生陳恬妻夫被殺氏投井死

徐氏歸之甲妻夫以救母被殺氏枕尸而哭兵逼之走至
井邊投入死

孫氏庠生陸雲將妻見夫以救父遇害投井死

周氏孝廉傅咸妻隨夫并子女四人投後門水潭死

陸氏孫吉甫妻見夫被殺同長女俱入井一女四歲坐父
屍旁哭兩晝夜亦死

顧氏金應期妻誓不受辱夫婦以大指相結同縊死於樑

王氏名元娘董維皋妻庠生在中女生而端淑城破維皋
與父元敬俱被害氏泣拜姑曰姑老可從容我不可不
速死姑再三慰之不從自經於閣

龔氏周望雲妻望雲見殺氏不受污砍死女喜姐同壻張
止官殺於其家望雲弟敬雲初六日於太平街牆邊被
兵砍去半身初十日其半身猶倚牆而立弟妻吉氏殺
於家女十二歲哭不肯行斷頭死

王氏武生周云璠字魯玉妻城破或勸之走氏誓死不出
以夫命攜子與郎女儒姐德姐末姐投羅漢橋下死

顧氏柴明遠妻隨夫走東門不得出抱子投水明遠被害
李氏支公遠妻兵執氏欲污之公遠手殺二兵氏乘間投
池死公遠被殺

葉氏李君開妻王氏弟季文妻兄弟俱被害葉氏投井王
氏同僕婦張麥嘴妻投池溺死

顧氏龔二妻聞兵渡江預掘一坑版蓋泥覆城陷合家匿

其中兩甚版露兵搗而獲之龔三毆死氏與子皆自縊

張氏府廩生周衷祚妻參議和曾孫女與夫同日殉難

陳氏學書吉允之妻允之父順寰率其孥出東南門不得

長子開之被刃幾絕長媳孫媳俱斃允之被殺陳氏不

服淫剖腹而死開之復甦覓諸屍葬之

蘇氏周振之妻見夫被殺不屈罵兵而死

顧氏庠生朱路妻大學士鼎臣六世孫女路旣慘死氏痛

哭憤詈兵怒剖其腹死

馬氏沈銘巖妻銘巖遇害氏與次子麟次媳楊氏赴河相

抱而死鄰毛鬍子夫婦同投河死孫銅匠妻投井死

王氏給事許從龍曾孫身字行之妾身及數子俱被害氏自縊次媳戴氏投河兵劫之不起罹數創而殞僕沈可惠妻林氏亦被殺

朱氏庠生吳光玉妻夫婦同殺於家婢蔡氏適張獻者掠之不肯行亦見殺

朱氏陳茂芝妻避兵陳墓嘗指庭中井曰我遇兵定死此迨兵殺茂芝氏投二子一女於井遂自下

葛氏吳庠生劉古江妻城破古江以全帛繫氏腕及四歲兒與二女投通惠河獨十齡女湧出未死

任氏朱英甫妻工裱扇初六日夫婦對縊死英甫父亦同一女投井死後有兄弟夫婦同死者又一朱英甫

戴氏夏崑華妻崑華被殺焚其家氏偕媳張氏赴水死鄰

蘇寡婦赴火死

某氏銀工莊華妻福建人華守城被殺氏投井死

張氏朱順字妻順字殺死氏被砍未絕同一女及幼子俱投井

張氏邑增生戴元祚妾與元祚同溺死相里橋下

某氏王貴郎妻隨夫拜舅姑從容同赴井死

陸氏朱愛橋妻隨夫投水死

羅氏胡天彥字龍初妻與夫同死

張氏周仲卿妻同一子 華氏蔣二舍妻挈一子 李氏

周伯卿妻同一女 莊氏孫仲初妻同子愛官 陳氏

余心疇妻挈一子一女 張氏周巫妻同一子 毛氏
顧丑妻同一女 高氏楊二妻 高氏楊俊生妻 陸
氏顧惠橋妻 方氏何侍橋妻 曹氏徐建陽妻同一
女 秦氏張茂伯妻同一女一子 劉氏羅漆匠妻
顧氏趙明甫妻 陸氏毛伯劬妻 孫氏趙碧泉妻
柴墀之僕吳某妻同一女俱投井死
徐氏張仲行妻同一子一女 徐氏孫仲寧妻抱一子
浦氏汪起鵬妻 丁氏楊憲卿妻 某氏徐受益妻同
子女 莊氏夏雲峯妻 李氏馬士彥妻 凌氏盛桂
妻 某氏沈節妻 徐氏張文岐妻挈一女 周氏王
瑞卿妻挈三子 沈子山妻 李氏許思溪妻 張氏

季奉溪妻 吳氏黃承宗妻 王家乳媪高某妻 劉
漆匠妻 朱氏吳三妻 任鬻子妻 方客人妻 役
夫張某妻 陳泥水妻挈一女俱投河池死
葉氏顧宣美妻 金氏來昌妻 某氏慶安妻 陳氏金
某妻 來元妻 裱褙吳伯如妻 陶氏姚洗白妻
張氏徐右文妻俱夫婦同縊死
湯氏俞思泉妻 某氏趙怡泉妻 馬氏胡敬川妻 金
氏周秀之妻俱自縊死
周氏廩生朱爾服妻 陳氏莊君實妻 季氏顧子明妻
及一女 朱氏張奎妻 陸氏趙卿妻及子媳 余氏
徐獻揚妻 薄二姐陳因妻 陳泥水妻 劉漆匠妻

及一子 王奉樓妻 嚴少川妻 陸氏邵觀舍妻

李虞公妾 徐元妻 季氏唐奉萱妻 徐氏齊敬塘

妻 石氏李登甫妻 山氏曹仰山妻 侯氏陳文奎

妻 徐三妻 潘耀米妻 陶氏徐奉賢妻 徐氏任

瑞雲妻 顧氏杜少南妻 徐仰山妻 殷少疇妻

郭氏朱士林妻 顧滿姐宋承溪妻俱夫婦同被殺上

俱從

陸氏監紀歸昭妻張氏教諭歸繼登妻皆昌世子婦避兵

北城戴氏尼菴兵掠菴中張投於池陸不及走為兵所

持陸以死拒之遂破二槍仆地又亂箠斃之張水淺不

死以蘆葦自蔽兵去匍匐登岸陸亦復蘇臥之床已而

兵又至見陸以為已死張仍入水避匿兵牽之上岸不

從見殺陸載至鄉間創重亦死同時秦氏廩生金元耀

妻夫前卒氏及女嫁何又新者皆溺死

諸氏儀封知縣周室瑜繼妻壽賢孫女被執不屈砍死媳

王氏庠生朝鑛妻先自縊死

諸氏顧太初妻名佛慧城陷氏曰我久辨此庭前井欄隘

北牕後井寒冽我其歸此乎太初曰是為正命我弗汝

挽然兵未至盍緩須臾死氏曰兵至曷及排窗決籬若

弗逮幼姑桂幼女昭相率下井死

王氏周俊妻邵丞執法孫女於潛令庚第八女兵臨城姊

適張者邀之出氏曰兵馬滿路倘有失何面目見祖宗

城破有死而已寄語我姊善撫我女則九泉瞑目也與表戚葉爾馨妻孟氏并三女同溺後門池中

孫世達之母年七十妻李氏其家業澆燭城陷罄其燭油塗於室積薪圍之兵至即舉火兵駭而走姑媳夫婦母女及家僕十餘人環坐誦佛焚死其長女及婢春梅先令投井有戚管氏攜其女來管赴火女投井

張氏舉人徐開遠妻聞兵警或勸入鄉氏泣曰姑老矣不欲行奈何置之危城而已獨安也且家世受國恩義不可逃城陷子履慎履恒被殺履愷投水死開遠被刃脫走氏赴宅後井中死乳媪徐庭之母唐氏懷幼子履澤為兵奪去自縊死

張氏戈化雍妻夫婦同匿友人王井仲家太倉兵至氏與井仲女不屈觸堦而死化雍亦死之

周氏禮部儒士朱維宗妻與夫俱赴水死葉氏維宗弟庠生耀宗妻亦殉死龔氏維宗嗣子且妻年十九慟哭別姑先赴水婢阿觀年十七從主母死

某氏吳洪川妻被獲索金且強之行氏曰盜則要金牽我何之未聞好女子從人走也兵怒併二子殺之

任氏庠生徐激妻陳氏庠生徐洛妻激妹庠生吳行貞妻三人者同舍而居城垂破以繩聯縛同投道堂橋河中王氏庠生沈岡字巖若妻贈太常王燾從女同小姑適顧煥之者并一女兩僕婦俱投井死岡隨以身繼

姚氏庠生潘爾成妻有一女年十八同被執至朝陽門樓

女大罵兵怒推墮城下死氏亦不受污并殺之是夜鬼

聲甚厲兵曰此二女子英靈也

按姚氏陽州知州國樞女

朱氏庠生周虞璇母城破同子走至尙書里河干兵先殺

虞璇氏卽投井而歿老婢許爲氏從媵抱虞璇女方二

歲投水三日後里中見許抱女浮屍河上

王仇妻與何維宗妻俱陸氏各懷其子匿田間兵獲之求

貨無所得執王妻不從兵砍殺之何妻被脅登舟子遺

於田詭言取子遂赴水兵復三砍之

徽商程達夫有二妾色頗麗避溺園池中兵牽其一則彼

下水復牽其一則此下水往復數次兵怒並殺之

嚴望菴夫婦子二郎三郎婦先自縊旣絕望菴下之卽以

其繩就縊望菴絕二郎下其父亦就縊三郎被殺

金氏顧君璵妻王氏弟君潤妻兄弟俱折巾爲生理娼姊

奉姑俱有禮兵至王氏抱五歲女投井金氏投河

陳氏朱小橋妻投水關死長子榮字孫燦如俱被殺媳陳

氏抱女投河死次子瑞字與妻唐氏同縊床前瑞字若

聞磬聲遂甦

張氏陳良茂妻汪氏姪應標妻家西盛村同舟避兵澱湖

兵追及之矢集於舫應標懼先赴水汪隨之張被獲兵

迫之澣不受辱亦赴水死

朱氏吳淞干戶莊士翔母士翔及弟士翀遇害氏同次媳

金氏及庶子小虎士翔二女士翀子蘭一女又老嫗雙
桂同縊於朱氏故宅

陸氏陳維高妻弟朝達妻亦陸氏朝本妻王氏居老鴉窠
妯娌同遇兵皆以死相約兵強執之皆不從皆被殺

張氏庠生曹廣先繼妻廣先遇害氏率二女以帨巾相聯
縛赴水死

趙氏庠生茅彙征妻與媳楊氏庠生以茵妻及撫養之孫
女俱赴井死

丁氏庠生周九鼎妻兵至負重傷閭日死長子此召妻潘
氏饒州教授大鼎女夫前卒守節二十三年投池死次
子副貢生此聘抱母求代被殺妻陸氏及女慈大慈二

相抱被殺九鼎及此召子壬午舉人錫俱被害一門三

世同刻而盡九鼎女適顧尹若隨夫投水關下死僕郁

近溪妻韓氏偕妾朱氏投井死

顧氏許子良妻子觀媳周氏及子良弟夫婦與鄰朱全夫

婦共九人初六夜同避諸氏園中忽有巨人長丈六七

腰及簷衣若紫棉布九人見之皆驚仆地因各趨死子

良及子媳縊死顧氏投井朱全夫婦亦投井惟子良弟

婦最後投井若或擁之起不死述其事

張氏姚允暉妻大年長子櫛之女城破三女一子五口俱

死櫛弟稷妻李氏與其子寶瀄媳許氏兩女六口櫛姊

歸庠生沈振宗者久寡與其女凌安所妻櫛妹歸庠生

許鼎燧者女十三歲四口煙女歸庠生陸伯先者與幼女麒麟二口一時俱盡內外女子死者數十人檣被殺陸氏監生戴秩卿妻同媳李氏及孫俱投井一子自刎死陳氏姚心菴妻居東門外兵起氏攜養媳朱氏入城至母家避難城破姑媳俱赴河死氏弟楚珍奉母避難周旋宛轉母得脫而楚珍死

王氏張崙妻總兵佐才女佐才無子止一女甚愛之既歸張生一子罹變氏抱其子與夫之姊妹三人同赴池死王氏張少溪妻砍死媳蔡氏掠之不從同一女定郎止郎俱被害

徐氏姚瑞甫妻女十三歲擄之不行斫之未死同投水

沈氏趙章甫母同孫女潤姐投井媳周氏掠之不走擊死陸氏陳思萱母挈媳陸氏投水媳被挽不從抱子俱砍死陸氏祝雲巖繼妻挈女五姐及陳升之之妻同投高橋下死有子名倜抱父求代被殺雲巖姪繼煦母陸氏妻龔氏同女三人俱投狀元橋水死

李氏朱英甫妻先自縊英甫哭而拜之亦就縊弟俊甫及妻徐氏相繼縊死

顧氏庫吏趙伯玉妻溺於南門內城河伯玉同一子投池葉氏徐俊妻同一子一女自經死

張氏庠生王祈浩妻殺於家二女投水死祈浩兄弟四人俱死

曹氏朱仲奇妻長媳許氏儀孟妻次媳黃氏雲仲妻暨三
孫女一婢俱赴河死

朱玉宇女年十七同李燈籠妻徐晉侯婢秋胡俱投井死
奚氏諸生李國柱妾國柱字中甫生三子次子天士具美
才年少遊庠城破國柱與長子次子俱死氏與天士妻
姜氏縊於床弟監生國棟遇兵死二女投河幼弟公錫
年十七能文與生母孀婦呂氏俱被害婢福蘭美容姿
投井撈起不受辱砍死僕婦張應籠妻投井死

周氏張子山妻久寡居女家女適陳生子鼎元城陷同走
至後市橋兵向氏索金驅女走女不就汚三人同被殺
彭氏李若懷妻與媳姚氏一女一孫女俱投水族人李元

慶妻張氏同二妹縊於樓顧元妻葉氏年十八亦同縊
周氏庠生朱士傑妻與陳伯時母及伯時妾王氏同死長
女適伊者先被殺次女即陳媳亦同死

劉氏殷小山妻長女縊死氏與次女一子俱投水死
顧氏庠生徐德基妻舅達可字後之小叔同孫俱庠生叔
姒何兵至投池死氏攜其子俱下德基同孫繼之達可
殺於八角樓達可之兄庠生時可夫婦對縊死時可女
適庠生魏桓肅桓肅被害遂與其女觀姐同縊死德基
女方十二歲兵拽至半山橋呼曰放我我自走纔置之
碎嚙兵足落其肉一塊遂被殺

范氏庠生呂思望妻初隨舅姑避於鄉以父病死入城與

母王氏同匿已脫矣有姓吳者利其有恐以浦家兵且至母女遂各抱子赴水死呂又姓顧

蕭侍山妻見姑被殺卽赴後浜死

薛寡婦子庠生陳麟瑞被殺氏哭之哀兵又殺之媳孔氏赴高橋下死

張氏庠生廷對女上林苑簿朱漢徵妻遇變氏顧其女歸何珪者泣曰命盡於此矣吾女年少義何容辱吾先爾繼矣遂相攜投荷池嗣媳顧氏亦投水死妾李氏自縊漢徵弟侃前卒妻任氏與兩子仁謚仁讓及仁謚妻季氏俱見殺漢徵與子若壻同時遇害
喬席母兵至縊死孫媳二一隨太姑縊一倒投於井

張氏顧仰卿妻同春姐母子程奉山妻徐氏俱投池死

陳家婦與張氏及徐伯卿母女俱不屈見殺

張氏徐織布妻同其姑及一女 秦氏浦遂溪妻同母及

幼女 徐氏沈甘山妻及女 嚴氏王孝廉妾同妹福

姐 張賓王母及妻徐氏同女四人 萬氏衛起庭妻

挈二女一子 吳氏劉瑞甫妻同二婢及黃研玉妻女

翁氏陸如雲妻挈一女 高爵妻及子女 孫氏顧

茂卿妻隨其姑 姜氏某人妻同子桂及媳 張氏陶

侍梅妻同女及媳項氏朱賣酒一門俱投井死

羅氏江有達妻夫婦同三子 顧氏繆小拙妻及三女同

繆侍拙妻陸氏 吳氏少川女及其媳高氏 孫氏某

人妻同媳董氏 金氏榮太和妻及兩妹 許宏所母

及妻 俞氏楊望山妻其女張錫匠妻及幼女三姐

沈星甫二女長適張振溪次適徐喜 陸氏吳仲和妻

及一子二女俱投園池死

張氏湯子欽妻及一子二女 徐與卿妻同三女 張氏

吳關妻同母俱投水死

金鴻卿妻偕媳 顧氏陳悅溪妻與外祖母王氏及二女

俱赴至和塘死

朱氏張奉羽妻同一女及鄰陸奉田妻 狄怡山妻同三

女俱赴學前河死

施氏朱考母及妻汪氏嫂顧氏妹辰姐俱投裏城河死

孫氏唐愛江妻媳陸氏婢阿二俱投東寺前河死

沈氏陳愛庭妻同外甥俞氏俱投東寺後河死

某氏顧心思妻及女佛姐并一子俱投小西門水關下死

曹氏蔡近山妻媳陳氏女觀姐孫女留官及僕婦蔣氏俱

投廟前河死

徐氏張南陽妻隨其母投西寺前河死

莊氏王慕田妻同一子二女投北門河死

張氏顧序生妻同一女投無不利橋下死

孫氏莊懷溪妻同一女投後浜河死

李氏邵連城妻同一子三女投前浜河死

顧氏伊應科妻同子及媳 李氏邢敬樓妻同一女一婢

顧氏莊茂源妻抱二歲女 湯見宇二女 陸寡婦

與其女及壻黃彥章鄰婦蘇氏盛金舍妻俱投河池死

趙氏方八妻及二女 顧氏朱紹山妻及一子二女一婢

又龔氏尹三舍妻同長女桂次女招俱縊死

百家村奚氏與半山橋朱怡萱妻 戴七母及妻妾 張

道士妻同女 張氏杜怡山母及媳蕭氏俱以抗拒不

屈見殺

柴次孟井中出一屍年甚少衣裳新整人莫能識

千秋坊對河石姓井中起二屍朱履繡衣顏色娟好大西

門顧姓井中起二屍亦甚麗陸姓井中起十二屍皆大

家衣妝不知誰氏 以上俱借義

諸氏 一作許氏 金幼明妻城將破語幼明日我一人死門首一

家可全也幼明不可氏給幼明出覘兵即縊於門兵屢

至果不入卒全其家幼明妹年十六同許茂甫妻張氏

女聖姐俱投土山廟東後河死

全氏顧琳妻兵至與琳訣以古錢繫衣帶為識城破為兵

所劫氏給曰我有金珠一囊藏橋下可往取至則奮身

入中流兵怒以槍刺死琳得屍貌如生古錢猶在

石氏周君行妻被掠閉舟中至胥門兵欲污之氏佯曰若

衣腥難近我為若洗從未晚也兵大喜解衣授之推蓬

令洗急投胥江死

顧氏庠生高明妻年二十二被執不從兵令老嫗守之同

俘者咸勸慰氏乃詭爲笑語有頃兵繫一衣工至令縫衣氏竊取衣工翦刀疾刺入口兩手力按之決頤斷喉立死

王氏某人妻被執求死不得託病延醫泣請毒藥醫與之投飲食中與兵同死

顧氏郡庠生周允熙妻府庠生偕造女錢塘令咸建姪女嫁僅一載兵至赴水死允熙亦投水兵挽之起被刃欲絕若有扶之甦者得不死恍惚見之乃顧氏也丁氏僕吳忠妻不受辱擗死

馮氏庠生夏幼良字得元繼妻子二萬柱爾立合門被害僕婦瑞蘭投水死

夏氏黃爾梅妻元璧女兵至趣夫登陴與姑匿東巖下城陷爾梅歸執手而泣氏曰子當潛身以全宗祀可速去吾從此逝矣乃解所繫物悉與姑且爲藏之水旁遂赴水死姑得免爾梅踰城出旋遇害僕張祿同其妻縊死諸氏贈尙寶丞壽賢孫女許字王啟華年十九未婚難作謂其父士蓮曰崑有百姓無官長百姓有血氣無節制城必不可守父可行矣士蓮瞽莫知所避城破女急趨後園井中死其第七妹歸沈夏思年十七已娠身七月以省父同夫歸與姊同入井兵入門擄衣飾去夫救之起姊已絕妹踰時甦兵又至欲擄之氏叱曰吾忠節女豈隨汝去速殺我兵拽之走氏兩手攀門櫺罵益厲遂

被四刃流血滿地死一晝夜聞父哭聲震動始甦家人以湯灌之氣稍屬事定入鄉調治閱三月產一女又三月而傷痕復

蘇氏季祖三妻避亂白田八月十二日兵過舉家被擄氏立房內暗執鐵錫在手一兵釋戈笑而入氏陡將鐵錫劈面斫之眼鼻俱削立仆地死他兵攢殺之焚其家諸氏府庠生周完初妻婦女避兵出走氏曰盜賊所在竊發婦人倉皇出境焉保無虞兵臨城老嫗流涕請曰事急矣夜縋可免氏正色曰女流可縋出耶城陷整衣率妯娌赴宅旁河死

張氏王熠慶妻熠慶力鬪死氏自沉於山塘涇

朱氏陸世齡妻挈一女登高板橋望空拜畢赴至和塘死徐氏適郡庠生吳江顧詵從夫館於陳家灣聞婦女為兵所污厲色曰曷不速死我若遇兵必不辱九月兵來詵逃匿氏投水死年二十五

周氏名昭莊諸生孫五尊妻孝廉天存女從夫入陳氏園池館幽僻眾勸忍死氏曰執而後死晚矣以尺帛繫頸躍入池死五尊之妹適陸順愚者亦投水死

張氏庠生李瑞徵妻兵漸逼瑞徵憂之氏曰勿慮吾志決矣瑞徵往覓舟氏以子屬傭嫗曰攜兩兒隨主所在不必顧我遂赴井死

宋氏生白米涇許字馬嘉隆年十二即歸馮為養媳乘舟

避兵蘆中預改裝爲男子服以疑兵旋爲兵獲令汲水
遂投河兵怒以篙刺其腹搯之水底而死時年十七
孫氏漆匠張二妻同其姑投至和塘人救之呼曰勿救我
可救我婆婆年老當無事姑免死而氏不起

周氏庠生王蔡妻攜子女避兵時圍城破與女俱赴水女
先死氏猶浮兵突至挽之不起斫死於水掠其子去旋
棄於路繼遇一兵憐之送還其家

周氏諸生朱述善妻挈兩子乘舟避兵猝與兵遇強氏行
氏給之曰不必強我我亦願從兵因縱之前行遇深溪
名蕭漣卽自投死

凌氏吳庠生陸士任妻避難居鄉聞城中屠戮之慘俘囚

之辱卽不欲生兵至陳墓氏號泣數四長子勸之稍止
夜半乘子女熟睡潛赴水死

鄒氏沈啟先妻啟先被俘長子失所在氏遂自沈於河
馬氏晉丹妻城將陷預以一杙置井傍丹亦以死自誓大
書壁云晉氏夫婦同死此井聞斬門聲氏卽躍入井丹
繼下爲兵逼起而氏死

某氏朱成妻有女恐被污置女於樓縱火焚之已投河死
楊氏宋汶妻與夫各抱一子走避得一井躍而下兵見出
之未死卽抽簪破其面抗聲大罵兵怒殺之一子伏母
屍哭四晝夜死一子同母下井死而復甦

孟氏庠生葉李洲妻囑夫善爲老姑計自沈於池三女繼

直隸下縣志卷之五 義烈 三十一 之相盤結而死

歸氏姚君美妻城陷勉其婦女務殺身潔行既遇兵大罵死之長媳嚴氏攜一女先二日投井次媳施氏攜二子一女先一日投河

陳氏楊茂甫妻同夫及妾避兵度不免囑夫間行踰城出已與妾匿兵擄妾去且罵且奪被殺

朱連城二女俱秀慧長女適范遇變投水死次女未笄聞姊難旦夕飲泣不一歲亦死

朱氏歸時暘妻以玉手記二一自佩一與時暘曰死而不辨以此爲證抱十三歲女淑媛投至和塘死時暘胞弟時煦妻陸氏及女子姐一門三口俱投水死

徐氏顧仲和妻避兵水次來則沈去則起兵見欲牽之遂入水底不起

楊氏角直居士如妻兵欲污之不屈赴江死

邱氏高某妻其父欲挈之走氏恐被執不行投河死

陶氏夏坦字夢吉妻居狀元橋畔城破溺死舍傍小河

韓氏贈光祿卿張振德次子緄妾隨緄出避泣日兵來當

赴井所可痛者三月孕耳遂湧身赴井死

章氏王允康妻鄉飲章里女攜四歲外孫管氏子投井死

盛玉卿妻自縊一女十三歲投池死

謝氏魏萃曾妻庠生復元女弟城破升小閣僻處自經

謝氏徽州孫裔昌妻裔昌歸故鄉數年不返城垂破氏趨

河濱躍水死少時讀木蘭傳謂父曰以弱質雜行伍間且歷寒暑縱善保護不能免人之疑此女子之奇節非女子之正道也

錢氏庠生謝復先妻復先負其父欲脫走適兵至父子俱死氏素孝見夫負父出謂姑龔曰姑年七十可無累吾當自裁姑曰未見兵何遽爾也氏曰婦人不可遇兵與其遇兵而悔不若未遇兵而死遂縊死於床復先之姊適曾繩武繩武出走謝氏聞殺人聲逼卽投井死

羅氏太倉諸生陸密疏妻乙酉同夫避仇崑山遇兵氏免身方五日謂夫曰君當速去密疏欲與俱氏曰前途安可知辱身生不若潔身死我當懷此一塊肉葬水中耳

城將破抱兒躍入池死確菴陳瑚記其事

趙氏柏招妻投顧狀元宅內井中後起之得數屍有一麗服紅履美姿容莫知姓氏毛五妻得勝亦死是井

瞽者何愛姑善彈詞兵強之歌爲歌絕命詞一闕兵欲載去不從再歌一闕欷歔泣下兵棄去遂匍匐赴井死金吹手妻亦瞽而善彈投井死

陳氏周龍初妻抱幼女 張氏陸復初妻 陳氏劉賣線妻同十歲女 李氏王挑柴妻同十四歲女 吳元妻偕同巷曹貴妻進貴妻 顧信甫妻 楊少城妻 李氏糧書王繼先妻 顧澤溪妻 馮氏王奉塘妻同一女 劉氏汪金妻 王氏楊叔文妻 金氏炭行吳三

妻同七歲子 王氏陸思溪妻 石氏周天祐妻 沙氏周孝妻鄭裕昆家乳嫗 王氏徐皮匠妻 項氏李世能妻 張觀妻及熊木匠妻 徐仁甫妻 陳氏蔡箴桶妻 陳氏沈開先妻 趙氏顧愛橋妻同一女 沈氏朱篋作妻 徐氏顧四妻 譚氏王聖之妾同女 辰姐 孫氏沈端叔妻 梅氏張侍樓妻 吳氏李元斐妻 潘氏汪文鳳妻同子天祥 夏氏鍾思軒妻 王海襟妻俱投井死

范氏陳月林妻挈其女 徐氏顧伯卿妻 黃氏張侍山妻抱一子 吳氏趙應選妻 鄒氏孫侍江祖母同孫媳徐氏 狄氏姚侍溪妻 徐氏東沈浜孫仁卿妻挈

一女 薄氏金直甫妻 潘回妻朱龔妻夏季修媳 夏氏莊欽華妻 嚴敬田岳母 陳氏邵仁甫妻同女 佛姐 江氏縣書陳伯調妻 張氏陸某妻 劉氏孫念懷妻同一子一女 伊氏王伯度妻 石氏顧後溪妻 沈端叔婢名兔阿嫂同二女 黃氏王瑞之妻 吳氏狄五官妻同陳六岳母 潘三妻抱五歲女 孟氏陸子高妻挈二女 陸轎夫妻抱子女 陳氏張見妻同孫媳 陸氏糧書宋用之妻 葛氏周愛樓妻 高氏陳明宇妻 馬氏晉汝山妻 曹氏周華妻挈二女 趙氏邵君暉妻抱一女 陳觀妻同子阿丑 華氏王酉妻 俞氏王侍怡妻 朱氏陳思溪妻 劉華

真系內舉終化名志 卷三十一
字妻 吳氏胡侍溪妻 張懷村妻 朱心泉妻 沈
氏程見白媳 吳氏姚奉山妻 姚氏顧二舍妻 陸
氏王二舍妻 薛侍山妻 吳愛溪妻 唐挑腳妻
任氏高振之妻 唐啞子妻 程秀妻挈一女 葉氏
姚約之妻 蔡氏莫應祥妻 孫氏奚貴妻 何氏任
國輔妻 龔氏盛可臣妻 鄒氏陸尊妻 朱方隆女
沈姓妻同一女 張氏曹凌生妻 孫氏顧巫媳 馮
氏王侍山妻 顧氏江四妻同七歲女 王氏曹承嗣
妻 謝氏朱善益妻同三歲女 周氏宋雨蘭妻同七
歲女 陳氏呂調元妻 陸龍文妻 李淑明妻 張
葵姐陸某妻 袁氏楊玉鉉妻 吳皂隸媳及女俱投

河池死

張仁字妻 金氏漆匠尤奉山妻 沈錫匠媳 顧氏金
玉田妻 徐氏顧振溪妻 徐氏金裱匠妻 顧氏王
思槐妻 殷氏宋子文妻 喬氏潘敬華妻 錢氏沈
元祥妻 馬豆腐妻俱自縊死
何氏諸德甫妻 張氏金碧泉母 張氏唐二妻與其母
某氏 吳氏張伯元妻併二子寅貴 周氏楊少江妻
同女阿滿 荀氏方擡轎妻 孫氏張世英妻 李氏
葉世喬妻 沙復祥妻 浦氏許愛塘妻 祁氏晉東
橋妻 戈義妻 徐氏陶近山妻 孫氏朱邦憲妻
余氏陳全溪妻 殷氏王安甫妻 周氏許姓妻 陸

君甫妻 龔氏管明高妻同一女 朱氏許巫妻 嚴

氏宋順字妻 余氏劉敬東妻 王氏張仰春妻同子

二郎 朱氏金二妻 陸惟行妻 徐氏周瑞峯妻

楊蘭妻 侯氏陳賣鮫妻 侯氏陳四妻俱不屈被殺

以上俱安節

張氏貢生陳大任妻守城時槌牛饗士氏主中饋城破氏

先吞金環二不死被掠出城逼令登舟氏亟抱樹臨以

白刃弗動眾環射死從姊適徐者亦死於井

陸氏庠生胡泓時妻陳墓鎮世鏃女泓時遇害氏年二十

一方懷孕抱三歲兒欲赴井飛騎突至索金錢不得繫

之行氏徒跣被髮解佩刀自破其面兵怒摔懷中兒擲

地撲殺之氏痛罵不絕口至維亭揮刀剖腹而死

黃氏諸生朱國軾妻陝西副使太倉元勳女兵鞭氏逼之

行不從連下數槍而死婢金蓮亦不肯行刃傷月餘而

死僕喬貴妻費氏亦自縊死

陳氏城破夫死兵驅之去氏曰須瘞我夫從之兵置酒舟

中氏亦共飲酒半氏請觀刃就刺兵而自刎

張立環第三女年十三與嫂王氏佐才女相率趨後園赴

水嫂沈而女浮為兵所獲驅令出西城女見河即投水

兵怒從水上連刃之而去

王氏馮子和妻與朱氏唐欽明妻同舟避兵欽明先溺死

兵脅朱不從赴水擊之死王氏與俱斃先是王氏語夫

曰兵來爾可急避吾志不受辱當水死卒如其言

金氏李素公妻夫早卒守寡二年與李章甫女適沈者同被執不污赴沙河死

周氏顧仲嘏妾與夫同執投至和塘死仲嘏行金潼橋見一二兵揪一婦至抵死不行兵倒曳之血淋漓猶手抱橋塊兵怒連下數刃死珠履繡衣容色整麗蓋大家也

周氏戴履康妻兵擁至船傍投婁江死

費氏陸應祥妻攜至小西門投祝塘死

吳氏俞贊明妻贊明被殺兵將贊明弟占卿妻翟氏結指懸於街以恐吳氏氏行至西門外投城河死翟氏亦死戴氏牛草灣陸懷之之妻夫早亡守節遇難與女匿籠上

兵至氏赴水復被獲捶極慘拘婁門內舍後有井遂投以死時三十三歲

徐氏朱儀孟媳攜至閭門不受污投胥江死

姚氏陸家灣陸象鼎字伯元妻謂夫曰爾或罹難我必死我若被執亦必死兵至匿蘆葦中被獲至陳墓兵入民居熱火聚食氏乘間赴水死

俞氏夏世隆妻田家女也住古村嘗言我遇兵斷不愛一身以辱夏氏玷我父母兄弟兵至氏以布幅纏固其裏衣乘舟而避兵追及獲之日暮兵泊舟豪飲氏指水底語其僕曰爲我謝老主人可語我夫於此收我屍僕脫歸如其指以篙劃水底屍方起時年二十三

陳氏庠生顧升恒妻兩月前手製青鞋語其弟云我死視此履可識也城破匿夾牆內夜出餉病姑王氏俱得不死太倉兵至乘舟出避兵登舟相逼氏遂躍入水中時亂屍浮水蒸脹莫辨氏以青鞋故得歸殯

朱氏泗水知縣世芳女城破被獲兵以其美獻之將領至晚將辱之氏抗聲曰吾朱姓父孝廉兄爲長洲縣尹年十八適夫十九而寡守節七年矣義不辱速殺我將領怒一手持氏髮連斫三刃棄屍於後庭俄大雨氏甦猶詈罵復斫三刃而絕

金氏恭城令顧夔子庠生銘妻年二十一被擄置舟中抱嬰孩赴斜堰聞水死

張氏王居極妻同一女 張巫妻同其女 湯氏陳墓鎮

陳忠妻挈一子 吳氏張祖妻 陸氏張思溪妻挈一

子 李氏張敬山妻 薛聞仲妻 金氏吳敬菴妻

陸氏陸元卿妻 孫氏陸寅妻 王豆腐妻 徐氏漆

工蔣南山妻 張氏朱玉橋妻 王氏陸長妻俱抗拒

不屈而死

周氏之僕湯二妻春蘭見夫被殺不肯行觸柱而死得壽妻亦不肯行砍死以上俱拒擄

